



09107

亦有生齋集詩卷第四

武進

趙懷玉

億孫

古今體詩

元默執徐上

題程孝廉詩後

君山山畔飛寒霰千里澄江淨如練置酒城東高館中此時
初識程君面程君風格頗矜持蘭茝交情肝膽知綠酒已寒
還射覆彩箋分擘更拈詩詩名一夕傳江左下筆人驚珠顆
顆鸚鵡才華共妬君鷓鴣寓託空憐我明年
天子蒞江鄉競握隋珠鬪夜光花雨江頭迎
翠葆弓刀隊裏奏長揚

亦有生齋集詩卷四

一

詔令白下承親試嚴樂淵雲趨盛事邀值清溪聽度歌采蘭
晴日同修禊匆匆席帽入歸舟負負俱憐汗漫游一片冰心
何處託六朝山色對人愁從此星霜更幾度龍山鶴市分頭
住執手曾無信宿歡寄書動作參辰誤人海歸來不染塵西
風重弔樂游春竟虛水榭連尊讌還問匡牀多病身
然夢中蕉鹿心徒爾君今讀禮又經時燧火頻鑽歲序移尙
有故人畱稼圃盡看同學到輕肥今日尊前重接鄰酒酣更

門君曾過訪

庚寅秋余病白

索題新筆居然怪體薄元和直補雅歌追束皙春宵又泛虎
邱船十載論交回首間珍重長畱詩卷在莫將樂樂易名山

送沈秀才雲尊之粵西

支硎山下酒逡巡便當離筵送遠人到日正逢灘水瘴晡時
好訂薊門春秀才訂甲午都中相見瘦腰偏耐三秋感短褐重勞萬里
身我亦江湖倦游客莫將辛苦話風塵

代書三十二韻寄洪大

禮吉

采石磯頭水深情託鯉魚憶從與子別經歲冷吾廬蹤跡登
樓日才名入洛朝一朝投薛卞上客重應徐牛渚宵乘月龍
山曉駐車把杯呵白也擊劒慕相如用貴豐年玉文譏博士
驢已高材館錄不忘故人書雅有賢爲耦謂仲深知經可勦

偲偲追古處欵欵念相於親懿三傳後滄桑百感餘烏衣門
幾易馬鬣顛猶虛清白天遲報艱難志早儲此身關絕續舊
德在畜畬學術勤匡鼎巖泉著幼輿結根知夙固有性獨能

亦有生齋集詩卷四

二

攬春草遙通夢慈雲老倚闌定饒遊子戀可許別愁除念昔
追攀久長時車馬疎奉親能作黍延客但烹蔬似阮頰穿屐
非溫怪絕裾交偏多杵曰藻每挾瑛琚覆酒誇中聖抄詩付
小胥寒燈連榻雨春水小舟漁贈答同形影行藏任毀譽衆
中應妬汝世外獨憐渠爲客逢多病傷秋慰索居風塵消日
月骨骸辨龍豬鄉邨羈元叔賓朋媿步舒側身天宇小高臥
硯田墟麥秀風迎夏梅黃月紀余感時兼惜別望遠兩躊躇

龍興寺栢

何年風雨裏帝命謫乖龍共此塵寰古長教煙靄封形成驚
罔兩節定耐春冬舉世無袁粲凡材一例逢

贈龍城山長翰太史

遜行

白髮神僊老史官木天餘事領驪壇傍門桃李知栽遍下筆
陽秋欲到難舊夢每依

雙闕遠名山竟任卅年寬不因得見韓陵石太史工古文辭媚俗人

爭學繡鞵

七月十八夜集艤舟亭分得鞵字

一棹夕陽低到亭蟬正歇池寬足秋氣螢亂散林樾不知藕
花開微聞暗香發賓朋此言歡景光安可忽攜榼借虛館停
觴遲明月月升萬象沈倒影動樓闕珠光瀉蓮葢露氣明石
髮延爽愜披襟坐石先解鞵醪醇一以勸韻險三而竭雲漢
赫秋曦城市困塵窟茲來如隔凡無風能抔竭大地多清涼
良緣每壅闕明朝諸子去川路邈難越時同人多有遠行者及後尙相

亦有生齋集詩卷四

三

思定如各含噦坐久減談諧尊空罄殼核歸舟待前汀斜蟾
斗邊沒

題松崖圖爲管大編修

幹珍

部婁不生千尺樹蒲柳不受三秋霜丈夫本性要有託鬱鬱
但看蒼官蒼翰林主人古君子烈烈長風李元禮空山雪後
聞清琴滿座客來揮塵尾衡門憶昔俱蓬蒿枝卑未敢因人
撓有時間作不平氣往往萬斛生悲濤豈知偃蹇深年月紫
鱗帶雨潛離窟此松本是百木宗不守巖阿守宮闕居然無
改凌霄姿萬間梁木惟人施榱桷雖貴不適俗桃李有色空
矜時玉堂花發春雲熱珠玉揮毫墨光潔金蓮照院月當空
記否當年夜然節讀禮歸來拚三徑磐桓更撫霜柯勁去時

十尺今十圍老龍鱗甲形端正說經依舊魯諸生石渠虎觀
非其榮自有咳蘭懷束皙不教書帶讓康成竭來教授鳩江
上陸璣作疏嵇含狀寄書朋舊各天涯問字生徒滿前帳驚
心燧火流光徂扁舟又復辭菰蘆知君要存真面目顛行更
作松崖圖擲筆沉唵憶前度青髻朱顏可如故祿米應傷彼
肥登煙濤又向秋江渡歲壬午爲君題江天
陽肥秋江曉渡二圖直氣森森好自
伸未寒那得歲長春把圖若念支離我猶是風塵東北人

送管大

秋風到庭隅林意自蕭瑟乍樹雲漢憂一洗囂塵積頗復感
搖落因茲悵離隔故人于湖歸情懷共軒闢置酒黃葉中張
燈白露夕平原十日飲步兵幾兩屐相從正言歡爲別忽嫌

亦有生齋集詩卷四

四

迫驪歌發當筵綠酒勸征客酒盡更畱行言深共追昔歲在
乙戌間兩爲燕趙役君時在金臺我幸比鴻迹健詩列雙營
酣酒鬪交戟長從燕市游高岸華陽憤書臨乞米顏劍學敵
人籍聽雨打頭牀攜尊對街宅爲時春徂夏得友一當百我
恒困藩籬君旋上樞掖別愁江淹賦行贈繞朝策蹉跎三年
心奮迅萬里翮君因讀禮歸又驚燧火革負米感風木

旌門煥坊額

爲太夫人苦節請旌

春秋泣栢捲身世繫宗祏錫類降

鸞章寵光賁泉窳報劉心曷窮似杜書成癖傷哉管子貧榮
矣戴憑席載酒徧鳩江擔簞滿采石田園媿獨羈風義少所
益心期貴斷金日月驚過隙遠書勵不朽浮蹤任遷易頃歸
畧寒暄告我几杖適名山富搜羅一一傾瓊璧示我鄭公踐

不減謝氏釋奇味有獨茹異境矜創獲敷辭禁從同豎義宜
尙僻世人拾牙吻甘之如膾炙夫我棄如遺知者慎所擇通

經貴致用布指卽知尺他年講闡中基此堯舜畫餘事逮風

騷芳潤漱羣液學深多見道氣靜自含澤樂府擅古今元音

絕彈拍君有明史樂府眼高三百年手握春秋責原心每以寬取事

多於窄論列及厮養闡揚到中幘筆豈借風雲言皆歸粟帛

傾囊一快讀撫卷更添惜如腸飮膏梁如日眩金碧如謀問

食其如力用椒亦讚歎得未曾文章斯有赫嗟余屏堆黃一

室守虛白不知鳳閣書久拋兔園冊袞袞任金張落落嗤季

劇人憐白鷗閒病遇黃楊厄漸恐失其真愧無應君索況茲

朋簪違誰念形影隻涼秋下繁霜薄裝戒修陌月影竹西船

亦有生齋集詩卷四 五

笳聲京口驛浪排黃河澹雲盪泰山脊團圞聚親疎跋涉勞
筋脉追陪有何甥謂屠秀才阿談笑壯陰魄山河隔形骸出處共
肝鬲行矣尙勉旃歲寒有松栢

秋懷寄蔣民部 熊昌

井梧葉葉墜庭除秋氣偏深百感餘窮海交游書問闕衡門
風雨世情疎倦軀未蠟登山屐往事頻驚下坂車莫遣繙塵
笑潘岳此心早欲賦閒居
去住任移南北轍棄憐分傍短長檠初心易置遲聞道多病
難安學養生詩筆已成荒草冢酒人誰證野鷗盟寒葦何事
宵征苦著意空堦訴不平

滄波歲晚冷漁竿畫省清名重握蘭官是田郎合題柱人非

貢禹敢彈冠江鄉回首拋三徑兄弟論才過二難猶有故交
頻枉問嬾將名姓達長安

呂蒙城下記將離又是蘆洲月映時祿位祇為娛母計雅南
不廢抱衾詩時君方迎 姬人北上西山爽氣朝迎騎東閣明燈夜把卮

除卻髯翁程吏部文選 晉芳近來風義幾人知

九日雨中坐瑜影山房

隨例登高吾亦嬾禪房幽處且經過幾人小住塵埃外自古
重陽風雨多孤塔影懸虛壁動疎鐘聲度野雲和東籬今歲
無消息閒殺空庭優鉢羅

海陽高秀才適林以醉後自訟詩見示疊韻

好記荀卿酒亂神何妨頻試養頭新王公不損真學士徐邈

亦有生齋集詩卷四

每稱中聖人消萬古愁惟賴汝飲無算爵豈依巡狂名我負

高陽客麴蘖詩書媿餒貧

當筵九吐孰稱神酒席之上九吐而不減其量者為酒神見海錄碎事杯勺休孤綠蟻

新大戶任誇無量飲廣場生怕獨醒人拍浮畢卓身何戀茗

芋山公日幾巡病起正逢籬菊綻十千沽到莫辭貧

喜徐舍人步雲自新疆放歸

蒼黃萬里西行日我正悲秋病薊門容易五年成短別最難

八口尚俱存征衣未浣冰天淚叢菊仍開故國樽從此補蘿

江上住著書歲月總

君恩

題錢八進士璟遺照

浮雲無常態流水無停奔故交日以稀新知日以紛墳荒樹

畱劒槩碎牀生塵古人久不作吾道今安存吁嗟錢進士風

義師友敦死生成契闊想像勞心魂幾度夢君來執手殊遼

巡君劬後數數見於夢中梁空慘無色月落難畱痕歲暮正閒居剝啄

聞叩門諸郎翩翩來向我切切陳攜君揮豪圖丐我題一言

披圖增重感夙昔敢具論兩家本世好舊誼在紀羣先侍讀與尊大

父綱菴君尊甫介菴君先後同譜與余忘年交一見尤諄諄文章勗根柢吐

屬成經綸特識中園綺君嘗論四皓之事實出於漢高之謀蓋假外廷以阻戚姬者眼光

射典墳勝朝三百載掌故歸斯人君精明史得閒惟好奕乘興還

開樽過從每忘倦晤對何嫌頻時時見真性語語思衰親有

母不願仕得天孰共尊雖當門第盛常恐時命屯流謙自逢

亦有生齋集詩卷四

七

吉知幾是爲神憶余鴛湖歸值君初度辰庚寅七月君五十壽君時僅

小惡我迺遽辭君匆匆拜牀下泛泛循江濱秦淮秋氣肅索

處離愁新三日忽不汗促裝返柴門豈知永參商空復讐乾

坤君捐館後七日予自白門病歸經今寒暑易但有夢寐勤長髯猶一拂苦

語聲常吞交道盡如斯異路安可分此圖作已久粉本聊傳

眞杏花千萬樹仿佛燕臺春君愛醉中禪微笑思前因音容

旣漸杳歲序亦易淪明年二月初聞君安窆窀頗能誌遺行

焉敢辭無文爲君表諸石庶幾久不湮況有後起者雲浪騫

鵬鯤泉下誠有知何用多悲辛殘雪映虛白寒燈耿黃昏百

感莫能釋一語還重申佳木在滋培良田務耕耘毋忘明德

後敬勉期來昆

昭陽大荒落上

病後友人招飲卽席作

時歌者十二人

病餘餘興寄檀槽緩聽清歌淺酌醪
月月好花都看遍不知若箇是櫻桃

蔣上舍

騏昌

招同家觀察

翼

莊明經

折

吳門泛舟

故人攜酒獨殷勤問水尋巖到夕曛
座上客如王內史畫中山似李將軍
浮名商畧誰千古勝日芳菲已十分
莫道春游容易合年來多半是離羣

山中晚行

暝色合諸峯寒濤起萬松籃輿行
得得翠巘歷重重不辨雲中塔微聞
煙際鐘擬投山寺宿侵曉更扶筇

亦有生齋集詩卷四

八

三月十六日同人游峴山用顏魯公石尊聯句韻

城南山一簣有石窪成尊
桐鄉朱方藹典郡風雅擅留賓蹤
跡存石門方薰亭空挹嵐翠碣損纏
落痕懷王登臨緬芳躅
往來多高軒桐鄉金德輿我儕踐夙
約古懽本素敦方藹結
尻歷縈紆聯臂騰笑言薰隆隆起地
脉元元排雲根懷玉時
光屆插柳野祭齊舉蓀德輿聳岩轟
臺榭繡錯落郊原方藹
鴈齒排石磴龍鱗表松門薰叔子蹟
妄託長公詩誰論懷玉
築堂記五逸挂瓢思一元德輿懸崖
樹影倒挂壁藤花飖方
藹玉湖淼春浪紺塔明朝暎薰樸
遨走且駛鈎輶啼何喧懷
玉草茵坐笠容蘭塚埋羈魂
山有馮貞卿侍兒明霞墓
德輿貓頭竹筍苗
兔目槐葉繁方藹九節杖可扶二升
榼復援薰地占澤山咸

朋筮西南坤懷玉塵土已難沈星辰底須捫德輿放眼蒼霄
併俯首煙霞屯方藹同抱向平志詎戀仲蔚園薰嗜奇探巖
壑適俗辭籠樊懷玉圖經載行笈名勝停徵輻德輿似木必
摩頂如水須尋源方藹續游期後日言歸指前村薰雅聲亂
薄暝漁火明初昏懷玉修坂步履坦惠風披衣溫德輿時和
兼境妙大哉造化思方藹

石蒲齋侍兒明霞墓

在峴山下石蒲齋明湖
州司李馮可賓書室名

一杯爭酌侍兒墳畫竹猶能說使君白鶴峯前峴山下明霞
贏得比朝雲

飛英塔

一夜神光裏千年劫火中雲雷今失護木石此兼功荒徑遮

亦有生齋集詩卷四

九

春色疎鈴動晚風摩挲殘碣在歲月紀咸通

登卞山望湖亭還憩白雀寺作

春雲濛濛不成雨夾路松杉向風舞寒濤十里濕襟衫空翠
滿天撲眉宇拖筇入林不厭密隱隱精藍出深塢禪房曲徑
歷已盡絕巘危亭勇堪賈具區一綫從西來三萬六千同一
俯風帆點點小於葉遠岫蒼蒼列如堵吳門白馬是耶非不
盡雲煙靜中取茲山之勝在此亭餘者碌碌安足數山僧笑
謂曷少休丈室清言靜鐘鼓呼童瀹茗汲五能碧玉甌中味
如乳盤餐自喜筍簌肥鼎俎反嫌梁肉苦青蓮畢竟空中花
白雀那同凡鳥羽石林舊業僅一邱玉局遺書尙千古

寺有
青蓮

道場額
東坡書

人生顯晦各有幸眼底湖山誰是主陰晴明日知不

知四面峯頭亂雲吐歸途暝色入高樹樹暗風生疑有虎最
難忘處是松陰十步不嫌回首五

枯木堂

東坡先生讀書處

僅識讀書處難尋墨妙亭瓣香誰再續陋室尙餘馨水長平
池綠春來萬木青扶筇一回首山雨晝冥冥

碧浪湖春泛

碧浪湖頭幾在還波光塔影淨塵顏春當盡處家家雨城過
南來面面山共道今年蝦菜賤誰同此意鷺鷗閒小瀛洲上
人爭到清遠終應遜此間

登道場山絕頂

昔聞雲峯名咫尺不可見懷此願十年乃識雲峯面春深桃

亦有生齋集詩卷四

十

李稀雨過竹栢舊老僧攜屐借滑逕扶筇便稍穿雲屈曲漸
覺峯迴轉崇岡振衣躡四野縱目徧我峩天目山地脉來一
綫近吞蒼共雪夷視昇與弁塔影入青天波光橫白練深林
夕照微衆壑晴煙卷吾聞浴蠶後士女游爭炫茲來寂不譁
人棄我則羨昔在五季時干戈事爭戰此邦屬吳越錦衣獨
畱戀山更道場名寺以真正擅龍象列諸天金碧輝宮殿幾
經劫灰颺會否山容變不如緇衣流伏虎猶存院懷古重流
連卽勝忘勞倦蒼然暮色來亂落寒雲片

僧樓雨宿

暮雨灑叢薄崇巖積重陰言投招提境更宿雲峯岑伊蒲老
僧具佛火禪堂深鐘魚發新警童僕生道心涼雲度虛牖清

夢迴重衾百年浮世願一夕禪牀嗟何當謝塵鞅孤賞長山

林
曉起冒雨出山共棘

塵心已辭山天意還留屐履癡雲嶺未收宿雨林猶積揮手寺
僧送回頭上方隔歸途非前境修坦易幽窄昔來既悔遲今
去抑何迫水北二頃田山南一區宅永言素心乖常恐中道
畫畦菜尚留黃堊花半餘白明年記此時莫負重游蹟

歸雲莽用前守吳白雪韻

一夜道場風雨五更寒重山家曉過挂瓢堂下海紅滿地餘
花

煮茗每同僧話傲他半日偷閑巖泉不知塵劫詩卷長留世

亦有生齋集詩卷四

士

間

昔賢人記五逸此地山收十分一自先生來隱至今塢有留

雲

策杖又沿歸路可憐彈指春風好境急尋夢裏不然寫向圖

中
時蘭坻作歸雲菴圖

太白山人墓

山人本秦人或云安化王孫就昏吳興施氏遂隱于此

曾讀遺詩識性情又從阡陌拜先生縞綦巖壑能借隱雞犬

神仙亦近名雲臥更無離岫影泉清總是在山聲墓前猶有

龍孫竹不與銅駝共棘荆

尋鷗波亭故址

雲水蒼茫鷗鷺寒亭荒何處更憑闌一時承旨推三絕千古

傳家說二難甲子縱書非德祐江山怕寫到臨安漫尋蕭寺

夫人竹天聖寺壁有管仲姬畫竹已是龍孫伐後竿

哭仲姑

吾父同懷妹相依只二人流光驚電露死別判冬春白鶴魂

俱遠黃楊識果真長姑於庚寅冬歿於京邸歲亦遇閏那堪骨肉淚灑盡更沾

巾

愛女教遲嫁無兒莫尉心德修偏斬報天遠竟難諶中道朱

絃斷高堂白髮森彌留無一語遺恨九原深

誰言當境好長伴藥爐過久病開顏少思親入夢多姑嘗言數夢先

都轉參苓空屏當和緩竟蹉跎半百年華促真成一刹那

年年拜牀下此意最殷勤同堂兄弟中唯余歲必一省起居豈意兼旬別遂

亦有生齋集詩卷四 七 土

成異路分傳言猶未達余自海鹽達桐鄉歷湖州至蘇而得計臨別時惓惓兩親之言尙未達也

惡耗遽相聞何日安窰窰迢迢海國雲

膽餅供鼠姑一枝色近絳幾半月矣

那管風風雨雨催寒牕夢可戀瑤臺人間富貴誰能久難得

此花十日開

爲湯大令 大奎 題吟秋圖卷子兼送北行

夫君儒雅今宋玉夫君曠達今季鷹秋心長抱人莫識清唱

忽發誰相鷹壑粥不忘蒔舍雨青氈未改寒窗燈十年交我

如一日意氣時作龍驤騰如君身合置臺省胡貪爽氣西山

升郎官百里古所重捧檄自喜烹鮮能憶昨同君燕市飲盧

溝木落桑乾澄送君之官大梁去風雅行繼鄒枚興六年宦

興餘結習好句爭寫葡萄綾嗟余搖落尚如此枯枝應候鳴
寒廳人生有心各隨境春悲秋喜誠難憑竭來先後返鄉國
續好竊附仙舟膺高懷競爽素尚節瘦句直追無本僧揮絃
屢送雲外鴈拂塵散盡盤中蠅奇書一卷樹根畔靜坐半日
蒼崖層雜林之昏龍尾研解衣盤礴頭鬢髻鏤聲繪色造化
泣白帝不敢藏鋒稜曲肱抱鄰幾偃仰明月白露年華增朱
顏青鬢豈長好急速爲入生絲繒豈知天靳友生樂吟情未
愜離愁仍春深送子辭蘭陵罵飛草長花氣蒸綠波南浦一
爲別登山臨水情難勝椿庭愛日忍輕出黃髮方慶期頤徵
丈夫適用及強仕投閑未許長田塍況君雅擅治平畧飾以
經術同臯宏簿領何心事升斗雲濤拭目拳鯤鵬名成莫負

亦有生齋集詩卷四

三

遂初計湖有蓴菜池有菱披圖他日證吾意戴笠友異彈冠
朋君不見世間萬物貴難歛日永星火陰先乘紛紛熟客方
大笑夏蟲那得知夫冰

讀書臺

讀書重明哲富貴俱塵埃惜哉朱翁子知不能揜才遙遙千
餘年身去畱荒臺流傳及樵采碑碣橫蒿萊豈無後來者學
明行亦該聲名盡沒世憑弔無餘哀浩歌憐日暮念此空徘徊

徊

積翠

一塢畱雲處千層積翠間陂陀林外逕平遠寺中山遊蹟僧
誇遠寺僧嘗至海外浮生我占閒虛堂遺翰在老樹幾人攀寺有觀樹堂爲

王煙客書詢之寺僧
云庭前向植娑羅樹

拈花寺

誰從五覺證聲聞
重向拈花了俗氛
風入松杉常作雨
門連禾黍正如雲
百年遺剎興衰異
幾輩游心靜躁分
落日平橋歸路晚
空山何處趙王墳

上真觀

靈風吹雨暑如秋
振策穹窿最上頭
曉闕天清星斗偏
虛堂雲暗鬼神留
環吳山色看三面
入越湖光接數州
聞道仙蹤來往慣
結廬擬共赤松游

立秋日山齋小酌

又向巖泉匝月留
碧梧初墜火西流
地多爽氣原無夏
我有愁心不爲秋
且喜山中窮閱歷
漸於方外作朋儔
枯腸久謝村醪味
試坐松陰盡一甌

雙髻菴

環山四十里此逕最偏仄
同遊息喘歸我獨褰衣
陟有菴隱峯巖半爲松陰匿
入門得精藍野僧如舊識
飲我辱泉茶餉我伊蒲食
庭前雙老桂疑是淮南植
餘樹盡十圍黛色參天直
晨光送人來不知日之昃
太湖蕩餘暉空谷起秋色
但求雅尚符敢惜疲軀力
曳杖還山居此境勞長憶

寄里中諸子

閑蹤近許證緇衣
禪榻茶煙得所依
共說好龍誰辨假
空傳相馬但爭肥
竹林自有人同調
中散何嫌書久稀
忽漫關心

秋已到空山林葉與雲飛

寄毛先生

穎士

初日在東井恢台盛炎熱久嫌城市鶯頗覺形神茶言游聞
闔門載訪穹窿穴所思邈河汾寤寐勞契契舍館久栖遲橫
經乃疎缺高山空在望寸心宛如結好風從東來吹墮瑤華
屑發函誦琅琅累紙意切切言如矯羣龍氣或奪雌蜺盛意
感金玉煩懷淨冰雪自憐事般輪未能巧圭紱豈無三隅反
長思百圍絜悔迷途乍返立卓才吾竭吹律陋甬制禮笑
綿絕衆口互雌黃舉步憂蹉跌祭川必先源虧賞焉成岳寸
木高岑樓未流憂橫决昧者或相耀達人應見嗟先生亮茲
愚用敢畢其說竭來火西流驚心素商節萬象共韃歛遙天

亦有生齋集詩卷四

五

愛寥沈具區湖水平積翠嵐光潔松濤入夢喧法雨經秋洌
好景成獨賞孤懷渺愁絕可能期信宿同証心香澈

山夜

林喧萬壑聲月碎一窗影心清夢亦稀不待晨鐘省

宜邦寺山茶歌

宜邦寺門晝亦關宜邦寺中樹莫攀蒼官青士帶古色歲月
總在模餽間獨有山茶老於鐵干霄枝葉何森鬱石闌幾尺
護周遭云是流傳南宋物穹隆之壤明珠泉栽培那費園夫
錢結根獨得最高處螻蟻不入精神堅春來聞說花爭放東
風日暖珊瑚帳寶珠千顆耀紺園別爲空王添色相幾處爭
看鄧尉梅辛夷又報虎邱開此花令落爲誰悅殘紅滿地無

人來憶昔臨安支半壁將軍策馬從
斬國戰袍脫罷著袈裟
奎章初煥招提額滄桑轉眼等浮雲
花落花開幾度春誰識
南朝舊時事山前只有趙王墳
山僧重爲陳前事萬物逢時
皆自致可知艸木亦數奇巖阿原未甘淪棄往年

翠葆臨江邨一時桃李環宮門
此花已列有司貢欲移每恐
傷其根我聞僧語三大息
貴來方悟希顏色不作春風照殿
紅曼陀羅更人誰識噫吁嘻
陽春雨露無私偏蟠結旣久難
爲遷要須致作梁棟用不然
宜學楞能全

重九後一日登笠峯絕頂作歌

山神亦怪隨例俗九日忽厭人
登高飛廉終日作狂勢鵠鶴
聲咽慶塵逃今朝風和曙色
放登臨有興吾仍豪軍持不借

亦有生齋集詩卷四

去

擅游具獨樂不若同其曹穹隆
尋丈邢可紀結束股腳連腰
尻迴頭列嶂儼平地俯察萬象
明秋毫太湖稽天若襟帶呼
吸三郡環周遭沙清渚淨鳧鴨
喜歷歷但見浮漁舸決皆直
入飛鳥外舉足漸與浮雲翔蛟
龍變化不知處潭窟狼籍遺
糜膏冥搜遠涉跡徧席地少復
紆其勞松枝活火汲泉煮
較量清福吾誠饕吾聞茲山實
吳鎮仙靈往往來潛韜赤松
茅君兩家莫僧龕寺塏紛蓬蒿
藏軍之洞築何代豈有月黑
聞兵鑿湖山穩任卽吾土卜居
不定心翻諂山僧促行歸屐
晚莫鐘隱隱鳴蒲牢

山行晚歸

秋老空山裏籃輿夜獨行
千林移月影衆壑助泉聲
野犬隔

村吠幽蟲夾路鳴，今宵霜乍緊，初覺敝裘輕。

穹隆山五芝歌

句曲芝五品，能使身輕清。良常芝七枚，能使心光明。龍耕象種，往往不得遇，竊而食者，其位爲真卿。吳中福地多巖穴，由鍾窮隆稱，越絕赤松一去數千年。此地遂爲衆仙窟，山高地厚，元氣蒸，土木貢職，青黃凝造化，不敢秘菌蠢，旋成形。方春始和，百蟲萌，萬有芝五英，燦然耀日，仙人護之，已有年。道人拾之，亦有緣，覆以五色之雲，濯以雙鄴之泉，攜歸置山館。左右竹栢交，新鮮槃躄，山房名十笏深，而奧等閒未許游。蹤到亭，亭華蓋映明窗，夜深時有奇光照。此事經今逾一載，我來未覺，朱柯改，蘭詞要語寫不盡，噴噴流傳及樵採。我聞赤松曾

亦有生齋集詩卷四

七

取赤石脂，赤脂入地，因成芝。不然茅君煉丹，瓊丹竈，精英千載凝於斯。甘泉宮，函德殿，休祥自爲。

盛世生芝房之歌，何足羨。伊祁元蕭，靜之神仙，遇合偶然耳。深谷高山，誰療飢，人生顏色豈長好。外耀精神中已槁，但能把耒長，逐東園公，紛紛安問科名草。

疊游上真觀韻寄蔣道士

一夜新霜報晚秋，幾林紅葉映峯頭。著書擬向元亭質，攜展曾從丈室畱。服餌君同朱孺子，詩篇我媿白江州。蘇門可許孫登住，好寫煙雲抵臥游。

包山寺聯句

包山湖西偏，寺古僧衆贍。優曇分七葉，洪禮吉高處。彌勒占

土壤青黑交懷玉枝官赤黃染杉腹屋迺容禮吉石眼泉可
覘危同葉辭林懷玉幽駭石下窆蟲寒依樹啣禮吉禽驚見
人閃迎門瘦僧佇懷玉入戶狂屨歛屈曲精舍通禮吉周遭
傑閣塹山疑覆孟盍懷玉嶂訝列屏坵物產果羸榮禮吉土
性菽粟厭風淳靖攘竊懷玉歲樂泯豐歉昔服食勤禮吉
媿彼禮俗僭民饒絕土丐懷玉秋盡少官欠茲來當滌場禮
吉將子共操槩攬勝願方愜懷玉陳詩敢辭砒天高入縹緲
禮吉區具明湫澗惟茲敷土方懷玉安此下民墊龍荒夢誠
誑禮吉鼈勝語有駭一舸少伯志懷玉十笏維摩念但勤秋
田耜禮吉肯按蒲團劒連牀暫并合懷玉鬪韻競喞噉荒雞
促寒漏禮吉殘燭耿無爛懷玉

亦有生齋集詩卷四

六

夜宿包山寺

朝揚胥口帆夕繫包山舟餘暉下平野暝色屯高邱沿緣境
屢互躑躅途仍修莊嚴出紺園迎候勞緇流豈無蔬筍歡但
覺主客投孤雲積虛榻嵐氣生寒幃捫碑紀唐歲刻燭賡吳
謳幽期協疇昔清節成淹留人生易衰弱及此筋力道

林屋洞

湖寬地肺通土裂山腹厚初猶龕可容漸覺釜低覆蛇行辭
杖策蟻伏嫌襟袖驚霆左右轉駭石首尾鬪陰陽異早潦明
闔雜昏書撲炬起蟄禽夙跡闕陰囂金庭企靈威石函虛篆
籀始疑造化洩轉作心志陋奇游倘可續敢惜疲軀復

石公山

靈峯不著地十里無頑壤斗然石公山倒勢入混漭隨波與
低昂拱笏成俯仰鑿疑自五丁落或垂千丈冥行永巷遂瞥
見重屋敝雲歸墜微濕日過透虛晃井蛙仰可窺穴狄怯難
上迴盤戎崩墜陟降屢倘恍夕陽動征帆漁歌遞清響

登莫釐峯頂

晨風湖上來吹雨過林麓孤筇上崇岡長嘯振虛谷乾坤渺
一身吳越送雙目水雲明晦異原渚高下複聲稀禽雀喧氣
盛魚龍族歷歷吳興帆依依陽羨木登高後重九涉勝悔不
佩胥母追晝游莫釐企前躅何當浣緇塵山椒結茅屋

翠峯寺

褰衣入深翠攜屐尋空山陂陀歷微逕款曲叩松關煙含橘

亦有生齋集詩卷四

九

林白霜媚楓葉丹水木兩明瑟心跡成清閑圖疑富春列人
似山陰還持將素秋色娛此游子顏但能安耕鑿宜復知闕
闕恣幽物無競引分福未慳卽此子真谷敢謝巖陵灘

胥口伍行人祠

夜烏啼罷冷宮梧祠墓千秋尙枕湖蹤跡已開游俠傳山川
空負霸王圖入秦七日偏存楚報越三年竟覆吳猶有未忘
恩怨在怒潮如雪動寒蘆

金塗塔瓦歌

并序

吳越錢氏盛時世崇竺乾之教嘗於宮中冶銅爲瓦繪
梵夾故事塗之以金合以成塔納土後流失不可多覩
宋姜夔堯章得如來捨身相者周璞晉仙賦詩紀之康

熙中橋李周篋見作放下屠刀立地成佛相者朱檢討
彝尊紀其事然皆一版友人莊炘向於台州錢氏獲見
全塔塔凡四版則諸君所未及覲也頃毛子孝純亦購
一版以示所繪與晉仙詩畧合以周尺度之長四寸二
分上狹下廣廣三寸五分弱背鑄吳越國王錢宏俶敬
造八萬四千寶塔乙卯歲記十九字下又一人字蓋當
時編次之目不同也按乙卯爲周世宗顯德二年是歲
五月詔寺院非勅額者悉廢之檢杭州寺院存者凡四
百八十塔卽是年所造史稱王信釋氏先後造寺無算
蓋較之諸王爲尤甚然則此塔之造成於忠懿而晉仙
所賦檢討所載皆以武肅概之殊未得其實爾

亦有生齋集詩卷四

十一

如來身本從裨販英雄豈學儒生算山臺野邑徧西湖總是
錢王舊時建聞道錢王願力深相輪鑄就更塗金護持幾見
慈雲覆流落空教劫火侵吳門毛生真好事汲古功還埒清
闕手攜一版出座中模餽銅綠依稀字憶昔偏安十四州錦
衣駟馬說婆留稱戈官聽羅昭諫交臂甘爲孫仲謀妙諦由
來稱忍辱雄心厭逐中原鹿山川錦繡市魚鹽方見華嚴真
面目居然社稷百年基父老江東感息慈已向石幢銘寶月
又聞紫閣產靈芝文孫雅守傳家鉢手奉銅容當宗祏內史
工書貝葉經侍臣爭捨維摩宅早識真人天命歸可憐九國
半瘡痍但能納土全民曰便是屠刀放下時逍遙晚節耽書
史手把袈裟遺愛子久向前因悟去來故合同日成生死沙

門一例視朱門奕葉貂蟬到子孫流水侶聞天上怨彩繡終
感夢中恩從此滄桑幾歲腸故鄉田地東西踏秋草誰尋賢
相里夕陽莫問黃妃塔玉冊金章總惘然三樓迴首渺雲煙
君看缺斧河山誓猶是乾寧舊紀年

子 爬

姪學彭 校字

亦有生齋集詩卷第四

亦有生齋集詩卷四

三

亦有生齋集詩卷第五

武進 趙懷玉 億孫

古今體詩

微陽一綫生於子
襖被空山夢無始
滕六夜半傳帝旨
特許清光續短晷
披衣出戶倒納屣
侵曉衝寒踏瑤屺
松枝蕉葉腫如指
萬壑千巖絕滙涘
太虛一氣亘千里
白日倒行湖水底
斧斤難鑿混沌死
萬象沈埋不敢起
此時關河苦行李
況如邊方動弧矢
紅樓翠幄何足齒
茅屋紙牕良有以
聚星之名亦幸耳
雪車冰柱空累紙
大呼欲狂輾然喜
一舉十觴不知止

至日雪

微陽一綫生於子襖被空山夢無始滕六夜半傳帝旨特許清光續短晷披衣出戶倒納屣侵曉衝寒踏瑤屺松枝蕉葉腫如指萬壑千巖絕滙涘太虛一氣亘千里白日倒行湖水底斧斤難鑿混沌死萬象沈埋不敢起此時關河苦行李況如邊方動弧矢紅樓翠幄何足齒茅屋紙牕良有以聚星之名亦幸耳雪車冰柱空累紙大呼欲狂輾然喜一舉十觴不知止臨窗爇硯筆試砥笑請天帝臣不揣玉樓之賦臣敢擬帝曰狂哉姑徐俟書雲紀瑞有太史

亦有生齋集詩卷五

一

將別穹窿山居五首

造物易傷惠維予獨不私幽期虛十載小隱只三時榮落成寒暑浮沉媿友師平生耽靜寄蹤跡每差池雪後山容斂星回歲紀終荃蘭思楚佩蟋蟀感唐風養拙餐嫌素論才鄙正豐草堂春酒熟好樹倚閭哀

亦知隨分足息影便吾巢雞黍娛賓具縑緗久病拋閑中增舊憶方外得新交此地先畱圃何年穩結茅

因依憐穉弟五月對牀陰風雨填篋意冰霜天地心陸機分廨舍趙昱闕園林但其修途策無勞空谷音

珍重瀕行意荒齋更補蘿余所居名蘿咲軒江湖誰得地泉石此成

窩卽境情非淺卽頭誤已多殷勤蓮社約後會敢蹉跎

山居雜詩

清江雜詩卷之四

中夏日在井炎赫明曦輪翻然懷遠舉局促愁囂塵穹崇獨
深窈乃在具區濱幽栖試云卜小住亦有因羣生各滋長吾
意隨物欣卽此山水足況復詩書陳譬如久渴飢驟得飫八

珍

讀書在安上居長人壽壽然明發靈苗舍過祖碑歌五

鳴蟬噪高樹蟬止樹亦清急雨過遠山雨餘山更明軒窗無
俗韻課誦有定程應候規卉木息機謝塵纓地高得氣早心
遠覺暑輕不見堦前花未秋已滋榮故人謂余言時此景

我愛山中雲素質異文彩無心或成出有族自可待几牀氣

亦有生齋集詩卷五

二

常潤朝夕態屢改嘗聞二三月春空晨靄靄赤日籠其巔下
不知爽塏川陵盡輻伏高下失所在道人謂余言卽此是雲
海

翁子讀書處片石存其居峩峩顯忠寺曾亦兵燹餘忠旣悖
名實書亦徒土苴達人薄青紫明德勤苗畝蹤跡偶憑託流
傳任毀譽千秋與一世得失夫何如言取公歐陽文忠公詩
余少苦羸弱養生鮮長計造物予之疾隨秋有成例風霜巧
損鍊藥石賴調劑寂寞幽澗松蹉跎小山桂已驚體貌易矧
感日月逝何當焚餘書守驗參同契

秋風日夜起樹草綠以黃紅花黯餘色黃雪霏殘芳寒聲落
虛牖暮景闕虛堂出山未改月榮落判時光簷前雙芭蕉中

夜聲抑揚哀葦鳴唧唧似爲攪客腸酌飲有尊缶曳婁有衣裳念此易遲暮感彼風人章

涼風披素幃皓月輝清秋華星當樹小明漢近戶流空山萬籟寂獨夜來遙憂憂心何能已不自知所由傍徨徹永夕衆方謂何求

谷蘭熏自煎山木材自寇況無珠玉姿眎眎期邂逅方其始榮華不知終錯繆一失難復償雖悔亦已後翩翩者威鳳迴翔擇高梧餓鴟得腐鼠嚇然笑爲迂夷惠各有志修悖原分途必求衆相亮此意毋乃愚

灼灼陵霜花馨香欲遺誰平生寡所懽二三素心期趺然足音至尊酒聊共持盤餐有真味談笑無浮詞盍簪良自憫焉

能愜餘思

亦有生齋集詩卷五

三

餘思在何處蒼茫隔雲樹豈愁雲樹隔但保金石固先型不可作庶幾此中遇慎莫棄敝裘衣亦不如故

明暉無停晷流波無迴瀾大化尙行健寸心敢自安但徇逸居樂宜免異患干惜陰企運甕素食感伐檀丁年少樹立撫影良疚慚豈無鄉曲譽得之不爲懽

感沸法雨泉始流僅濫觴一甌足茗薜千頃被稻粱品雖衆自矜功或遜此良氣清多味薄積厚斯流長造物各有施沾溉宜此方

元冥互重陰歲序如覆掌蟄蟲懷益藏緒風革蕭爽雪岫歛不舒風泉寒更響彈琴希和聲挾策成獨往一陽但初回四

體已得養禽雀恃危巢孤兔狎深莽側目有虞獵全身味羅網真人恒守故愚者患不廣明明巖畔月照心一何朗鬱鬱後凋松干霄宵摧枉

巖居六七月志慮蠲氛埃興來偶披卷吟倦恒啣杯環中趣亦得方外交無猜臭味苟同岑何必辭異苔情深理成障性足物自推悠悠戶庭間時覺羲皇來盟心願息壤矯枉笑鑿坏

閱逢敦牂

題呂秀才

星垣

詩後

風騷久沈歇眾艷紛蔽目不知紉蘭茝競思冶容服矯枉流於偏蠲靡失之樸呂生最後出高才挺卉躅謂余曠世知快授一卷讀春雲發空彩秋卉散幽馥鏤聲造化泣窮迹鬼神伏相引張吾軍敢輸策高足豈惟文章幸兼爲桑梓福因君悲謝傳

謂君舅錢茶山尚書

墓草今已宿

汪生

灼

銅印歌

并序

生新安人友人黃子

景仁

與之交客冬黃子歸以所鑄

撫古私印見贈且索予詩因賦長調以報

皇墳家莫史籀湮孔壁周冢衰誰陳漆光竹色無精神偶然掇拾謔諧文反以怪服嗤先民八體精意任屈信獨畱撫印存其真金相玉質推先秦劫灰半作咸陽塵西京章信先金銀君子之行亦所珍軍書旁午資錫斬朝拜封爵皆陶甄衛侯

青

耿侯

壽昌

手澤親流傳好事摩挲掌頰方寸直抵錢千緡

會稽王冕意創新燈明花乳何瑠璣巋然一變誰還淳新安
汪生雅好古手訂六書通訓詁胸藏爐鞴手作斧當其在鎔
心獨苦萬物無由奪其主失之則毀得則取豪髮但欲存葑
萬故人黃童返江滸貽我雙印纏以組惟名與字土數五蟬
匾之書窮石鼓置身迺與秦漢伍天都迢迢隔風雨愛而不
見情孰吐作詩報生生勿阻百城聞擁圖書府他日相逢宜
賃廡

爲錢孝廉

維喬

題哲兄文敏公

維城

畫卷

尙書天人流鳴盛和笙鏞餘事及六灋苦詣追南宗目無元
四家宥學王司農謂麓臺雲煙不在眼邱壑蟠其胸西清多暇
日北苑空前蹤

亦有生齋集詩卷五

五

至尊歎奇絕佳手驚未逢當其下筆時寸縑逾寸琮尙書意
不滿小甄其何庸殊方偶小蠢蠻觸爭戈鋒

詔謂尙書行單騎清傳烽浹甸傳露布逾月爭輸賁裴公下
淮蔡馬卿定窄印臨機獨游刃尊俎有折衝歸來侍承明珥
筆仍雍雍蠻煙與瘴雨一一揮奇峯萬里縮咫尺雙管隨衡
縱公名若威鳳公技猶神龍聞喪遽匍匐示疾耽疎慵于時
識風采骨立千尋松高軒一握手片語如醇釀鴉音忽集舍
馬鬣悲新封讖成孤蛺蝶夢斷三芙蓉公題畫詩中語此圖作丙戌
瀑直

恩方濃淋漓足元氣蕭瑟含秋容持將贈弱弟想見墳篋雖
余交孝廉久昕夕鎮過從緬茲典型在況以世好重三絕古

所羨二難今獨鍾撫圖增昔感得句無歡悵安能從君乞并
翦分吳淞

度石屋嶺至水樂洞作

臨安夙佳麗春游散城郭我來厭煩喧所寄在邱壑青移新
柳色紅破天桃萼捨舟遵陸隄策騎經圻堞窈然石屋嶺中
開一何廓頗疑天地設轉惜渾沌鑿几榻蔓藤蘿莊嚴妙瓔
珞空懷逢蒿志而讓煙雲託得勝恒小畱貪奇思屢索言投
水樂洞漸覺水聲洶深翠落蕉衫清泉引芒屨幽咽響箏琶
琮琤振鈴鐸宮商靜能辨緩疾間還作名追鄭公錫功賴平
章淪舊跡感再興茲行遂初樂搖鞭指前岡斜陽馬頭落

夜過來爽閣聞清遠道人彈琴

亦有生齋集詩卷五

六

春陰闕山館夜闌一燈青道人撫玉軫十指何泠泠林花辭
故枝沙鴈翔迴汀牽蘿咲山鬼鼓楫疑湘靈耳清塵籟寂心
止澄淵停道人忽不樂歛手聲徐停爲言我生初家習琴師
經人間事易遷絃上誰惺惺絲桐半棄擲樊路傷凋零希聲
革箏遂上座居優伶怕湮塞心耳意倦難爲聽聞言增太息
感子存典刑一琴已如此問誰實使令煩君續清散庶振聾
聵醒餘音不成曲簷際搖風鈴

春日鮑秀才

廷博

招同人讌集西湖

吹花擘柳幾番風暇日還欣載酒同十里湖山比西子一船
書畫近南宮論交都在鹹酸外弔古偏宜寂寞中

是日尋張
蒼水墓

幸有寫圖奚處士不教此會跡成空

錢唐奚岡
作紀游卷

炎精忽失朱明光降幡一夜出建康長江天塹那可倚十萬
士馬趨錢塘已見銅駝埋地腹還畱玉葉支天潢孤臣輾轉
履險阻軍旅制誥兼動勦豪帥真成閩外主寓公只作舟中
王隔江遙灑誓師淚烽火直達鍾陵旁飛書草檄望風下江
南江北輪壺漿三州四郡二十縣居然半壁恢巖疆子玉兵
驕心不顧長城一旦隳隄防隻身千里手足繭路人爭識睢
陽張信國樓頭天漠漠田橫島畔雲蒼蒼雙猿頗解候動靜
三子已分隨存亡故參軍羅子木侍者楊冠王及舟子一人從死懸輿蓋爲故鄉計
黃冠忽受緇衣戕不言時還坐終日有句亦復投奚囊似聞
誼士拾殘骨一抔長揜南屏荒曾無碑碣表姓氏那有松栢

亦有生齋集詩卷五

七

凝風霜

聖朝寬大過前代周頑殷義庸何傷胡居此墳獨泯沒守土
不復知其詳歌罷還思暨陽事三公亦共侵顏行
國家一例子褒卹彪炳史冊崇祠堂

吳山

吳山誰絕勝第一大觀臺城郭東西抱江湖襟帶迴酒旗畱
客慣村曲賽神催羸得嬉春伴傾城日日來
何必西湖好探幽此亦宜靈泉聲不住瑞石影偏奇地暖逢
花蚤山高落日遲欲尋丁野鶴塵閣罨蛛絲

庾杭口號三首

勾畱幾日便思家游思唵情雨未賒一事補償畱記取半山

山下看桃花

湖山賓主本無猜，冠蓋相望日幾回。聞說長官耽射圃，當關莫報故人來。

射罷金錢笑把卮，獸肥鷲老草深時。行春自有笙歌樂，試問桑麻恐未知。

曹奉題外王父葉公士寬遺像四十韻

國史循良傳如公，合首標清名。唐蔣洸儒行，晉徐苗敦歷勤。三事恩施逮

兩朝，修齊先相闕。謳祝洽芻蕘，早擅縹緗富。常嫌青紫驕，器爭誇夏璉。文比奏虞韶，春信稽桃李。秋空薦鷄鶩，上堂誰作慰。捧檄豈云聊，徽省人方待。花封衆已邀，澤連汾水闊。雲接

亦有生齋集詩卷五

八

太行迢士有神明，頌民無外內。徭稅科蠲列戶軍，實數聯驢奏。最三年事臚，歡兩湖。啾明湖真作鑑，澍雨總隨輶。豈有盤

珠戀爭傳升米謠。公守紹興日，民歌曰：珍珠美玉，家家有，難得一升米。行春捐桂館，當暑罷蘭橈。職擢旬宣佐，風行郡縣僚。

發倉追汲黯，折獄本咎繇。每惜蒼生命，頻憂澤國潮。桑經授舊註，賈築創新條。九郡無宵警，三農樂歲饒。感恩思駐節，讀

禮遽歸船。丙舍勤營植，丁田是菘藜。只忻初服遂，轉覺宦情消。種樹皆連理，程材盡擢輶。鯉庭紛暉軸，馬帳卻拳簫。月旦

評原貴，林泉政亦超。方期榮棣萼，何意翦蘭莒。閭里思同切，

湖山澤未遙。余時方穉齒，公喜顧垂髫。養正從蒙始，修儀戒

俗澆。公每教懷玉，習揖讓之節。隙光真忽忽，墓樹已蕭蕭。自媿樛多散，空

憐桐半焦遺容猶在望哀些竟難招身世原辛苦須眉易頽
顛度書畱傑閣延客闕虛寮明德看綿後清門賴守祧但能
思水木自可致雲香旅舍喧春雨寒鐙耿短宵羊曇無限淚
和墨寫生綃

人客有奉麻姑像者齋前白蓮半作紅色或謂是麻姑之神
也戲作此

麻姑散髮來碧空虛堂月暗吹靈風瑤池攜得生芙蓉噓氣
卻分離坎宮向曉亭亭一枝立露啼煙笑濛濛濕天然朱粉
去雕飾擘處分明爪痕蝕莖纖葉弱力不勝揚光三日亡其
精花魂重向瑤池升塵中方謂神仙能燭龍夜聞關不止麻
姑狡獪何能爾五行爲母萬物子火旺水衰良有以紛紛夏

蟲且休矣

亦有生齋集詩卷五

九

丹徒

風橫難抽十幅蒲舟行三日到丹徒濤聲入夜疑侵枕岸勢
如山盡長蘆地爲隣江賤蝦菜官因久旱禁屠沽何當買得
南徐酒一向秋原酌寄奴

七月十四日夜京口對月

入秋毒熱苦未減况復束體投孤篷今宵乍得泊江渚披襟
獨受涼颼衝蒼山如煙散波面皓月作勢升雲中白氣空涵
一天地金光碎迸千虬龍老僧臨江口持咒倚佛自說無邊
功楊枝露潤鬼界黑菡萏燈逐濤頭紅風流千古此淘盡直
欲粒米招羣雄騎鯨太白去不返抱月思躡仙人蹤茲行日

遇石尤惡塔上鈴語仍顛風三更露重八篷底夢醒正打金
焦鐘

黃侍中祠

無復秦淮舊好春侍中祠下獨沾巾科名絕勝商宏載福慧
休誇解大紳巾幘有心同匪石粉榆遺愛尙塞蘋若公邑人
鳩工葺祠
行人欲問金川事落日秋風滿水濱

闡中聞雨口號

三條蠟炬與心灰切切葢聲入夜哀莫道宰官身便貴衆生
卽此是輪迴
十日泥塗未有晴風簷又作斷腸聲天公畢竟非無意遣悟
人間軒冕情

明故宮遺址

萬戶千門匹馬過勝朝終始此山河再傳骨肉紛紛變未造
君臣艸艸多誰向金匱參信史祇從玉樹聽遺歌龍蟠虎踞
分明在守險貽謀竟若何

明孝陵三十韻

豐沛歌風後真人淮泗興發祥仍季子托迹本孤僧獨正君
臣統竄資尺寸憑中原先得鹿宿將總揚鷹次第平侯甸艱
難致弼丞勝朝猶盡禮耆宿看同陞土氣爭摩厲民情肯惻
矜卜基惟守險立灋厭模稜遠較疲庸主崇宜百萬層所悲
高鳥盡未免大絃扼幾釀詩書禍深虞謗誹騰好生空有德
嗜殺一偏能椒掖言多造桐珪彙已乘前星原早隕半月竟

難恒文景功垂就方黃力未勝劫灰颺王殿雷雨失金滕宮
府南都備衣冠月朔登淒涼商毫邑蕭颯漢長陵後主賢難
象前車鑿莫懲忍航眠厝火不悟履堅冰殘局江山破餘悲
樵牧增銅駝埋宿草石馬絡寒藤北極朝終改東樓澤尚承
寵題

奎藻煥遺蹟鼎湖升塚戶巖薪採祠官肅載香馬雷三尺鬣

魚閣萬年燈一任傳疑似

或云陵在朝天宮下

伊誰敢轢轆齊梁風不

競唐宋治同偁悵我經過數長時漂泊仍通天慚奏表日莫
客愁凝

九日遊上真觀還憩蘿笑軒

空山秋無人破曉嵐氣積未攜千頭鞠且蠟一輛屐崇觀禮

亦有生齋集詩卷五

七

元真幽軒探舊蹟樹疑逢故友屋似待歸客关非簪紱流亦
與煙蘿隔日出峯露青湖寬浪浮白因瞻具區平轉念淮堧
厄波濤壞城郭鴻鴈失居室久乖少伯願空慕賈讓策世雖
有福地卽此已樂國持語印山僧相視笑莫逆

喜報

喜報青齋賊已平牙旗指處不知兵風行萑澤草終偃火到
崑岡石敢爭籌筆竟煩周尚父枕戈想見魯諸生

前訓導率諸生殺賊

力甚創痍十萬臨淄戶應軫如傷

聖主情

旃蒙協洽

悼亡十首

并序

潘黃門悼亡詩云桂萼冬春謝寒暑忽流易世說亦云
孫子荆除婦服作詩以示王武子蓋詩必作於終制之
後雖晉人風教已衰猶能恪守斯意也余有妻之喪卒
哭以來忽又改月拉雜哀衷有不能已於言者爲歌爲
哭知者鑒之

余生在弱冠結髮爲昏年桐溪一擢泝桂館雙星圓我賡定
情什人誦宜家篇執手誓偕老盟心兩不愆歸來拜堂上宛
轉隨鄰前幃房況多暇伉儷常相憐問爲旬日別已若星霜
遷豈期久易睽動隔山與川離別猶可合幽明那得完生既
遠形影死益摧心肝

吾父昔宦游吾亦苦行李有弟未授室終鮮妹與姊所依惟
亦有生齋集詩卷五

主

婦姑相視若母子自纏膏盲孽長恐旦夕死爾死吾益單子
然侍庭庀高年矧多疾長戚忍無已逢節多慘顏追談每酸
齒欲慰先自悲強言那成喜憂心紛然來中夜四五起

束髮卽秉介舉首不肯低手刪干祿字足絕希榮梯屢成蹤
跡迂遂使面目顰同心寡四海知已在中閨甘爲樂羊婦恥

作齊人妻余昨放秣陵君已病桐溪經思千佛選

仁嬖病中猶令人覓

江浦登科錄日恐五色迷自安祐本薄但負子所期況求人間樂

徒使地下知傷哉歿齋奠何似生蒿藜

迢迢桐花溪遠接夫容湖之子既有行遠母與弟居豈期關
定命仍復終故廬我當羶毳後子已綿儼餘形消見骨立淚
澁知眼枯上言負吾親下言良負吾聞言徒哽噎入室翻趨

起深情謝親懿衆術窮醫巫誠知百無益庶幾竭區區

區區何足云所悲幼與老有殯不歸室招魂在遠道哀禽鳴
白楊北風送丹旛雨雪何霏霏津河何浩浩一心旣乖離庶
彙共枯槁所知多弔臨相送紛素縞旁觀哀易衰同病怒如
禱皆同人中多悼亡者

送子亦已返悵我何所之秋蟬忽斷翼歸鳥乍失枝出愁入
愈憫物是人則非鏡奩忍重啟枕簟將安施賓客亦慙慰詩
書寔久怡閒情增舊憶澹語成深悲短日況易匿永夜尤難
支夢寐偶一見顏色猶病時間爲平生歡無復旣死疑遽然
忽自悟涕泗交流頤

乳粥盡黃口失母但依父况無嵇氏男但有左家女男爲父

亦有生齋集詩卷五

七

所蓄女實母所煦從茲待成立不知幾循拊嫁當在北隣壻
必求佳侶憶君初來歸康強無疾楚相期綿似續永共奉宗
祖夢鶴忽頻徵國香竟無主九年世遽辭一子天靳子親旣
鞠我勤忍貽鞠孫苦啾啾衆乳燕墮巢未成羽養之使能飛
漂搖慎風雨

素無兒女念忽學保嬰術素無壺鹽志亦問治生訣志念屢
成乖舉措若有失敢同夷甫矯未免鮑宣拙過禮雖有譏啗
哀那能輟春陽木乘旺肝鬲氣如結古稱明可喪吾患聰盡
窒近日兩耳忽聾憂同年歲增事感今舊別薤歌作春辭椒盤更奠
酸刺目百不堪出門一杼鬱聖賢固人情彼哉仙與佛

朝出城北門寂寥少人行林柯有生意禽鳥變新聲顧瞻先

世墓松栢何青青其旁築丙舍翫以安子靈改月一省視撫
衷獨怔營未能卽同穴先爲卜佳城但求骸骨安焉冀祿利
榮昔居重幃中猶易致怯驚今居荒廬內能不傷伶仃賴有
周親在世父似山先生伯母陳並厝先侍讀丙舍當護新鬼宜長揖辭子去不覺
淚已傾

古人重齊體旣死義酒訖屏樂去瑟琴辭官謝簪紱今也殊
不然厚薄异存歿昔投漆與膠今斷蘿與葛朝廷靈巫降暮
聞蹇修謁遺殯猶在堂新人已居室物情貴相稱世報抑何
恕世雖驟難挽吾則敢不覆一身捐故劍萬里非稠桑生前
旣落落此後尤茫茫伸情遵禮制述行惟文章縱能書累紙
未得釋寸腸念此彌自歎念此彌增傷

亦有生齋集詩卷五

古

客冬舟覆秀溪幾不得免追憶其事感而成詩

驚魂重憶秀溪東曾遇危濤壓短篷鼯鼠飲來增腹疾鰥魚
觸處感頭風此身總在浮休裏小劫偷過渾沌中贏得吾家
添故事冰銜重署水晶宮

方大薰爲程三世銓寫謝康樂詩意索題

東坡寫竹如寫字河陽畫石如畫雲傳神況入愷之手披圖
一再如逢君君今年少盛意氣何必此中參位置珠輝玉潤
吾不如漱石枕流吾所事還君之圖寄君詩春來驛使何遲
遲窗前梅花已如此吾家山隔二百里

欲往鄧尉山不果

未登元墓巔且泊胥江渚八年願空抱信宿跡還阻寒芳正

及時采之寡儔侶羨彼山中客萬樹梅爲伍明發浙西船孤篷急春雨

郭布衣

鳳

以柿葉寫詩寄贈依韻畱之

人言郭處士苦詠每侵宵柿葉同牋擘松枝當燭燒不因舊雨別便逐歲寒凋想像題詩日殷勤北望遙

還家

出門亦動思歸意其奈還家轉惘然問母無人安莫報呼翁有女穉堪憐如眉柳濕經旬雨點額梅寒隔歲煙剛趁未曾過社祭一尊親酌殯宮前

題徐戶部

大裕

集後

沙場馬革忍重論檢點麻衣舊淚痕早晚三巴傳露布好將

亦有生齋集詩卷五

五

家祭告忠魂

君尊人宰蜀中死木果營之難

城北徐公岸北居相逢同是感秋徒不堪已作朝飛雉更聽

啼殘返哺鳥

溫銅刀歌

并序

漆其鞞以銅飾之銅其莖以銀鏤之莖得周尺七寸六

分弱身長三其莖而微不逮焉冬月握莖不寒故名溫

銅傳爲明戎政尙書陸公

完學

遺物思陵賜也許大令

元基

購而藏之疾篤贈蔣子

騏昌

屬詞以紀事

崇禎末年重本兵柄一失隳長城通州之軍鉅鹿戰功罪
摠任鄉人評鄉人前有尙書陸曾在東林稱健足寶刀特賜
出尙方簡鼻懸知帝心屬可憐國事難獨籌七年戎政煩諮

誦勲名未立身已殉一揮空白英雄頭此身幸免滄桑遇此
刀流傳凡幾處遙遙百四十餘年出匣人驚電光露鐵爲鋒
鏢柄則銅壯土之氣分離宮歲寒不易君子節熱血貫注精
靈通三軍挾纊片言重此意要推與人共不然刀貴曷足珍
一將蒙溫萬夫凍蔣侯意气旁無人酒酣出示當筵賓簾前
風雪一起舞十指忽覺生陽春邦之文獻汝南許生死不忘
久要語溫厚還思脫贈心莫教利器輪虞詡君不見操刀能
割猶恐傷雖經百鍊宜存鋼爲祥爲覽慎所矢公侯之後復
其始

寄袁丈

枚

當代論風雅如公尙典刑奇童工抱槩弱冠已登廷職預清

亦有生齋集詩卷五

六

華選官嫺廉謹銘芸香畱舊署莎綠滿閑廳奔驥方舒足冥
鴻已倦翎一官輕組紱卅載住巖坳衆羨頭仍黑吾憐眼獨
青推袁歸藻鑑說項絕哇町誼豈今流輩交眞天使令數行
書宥寄三世事重聆憶昨曾投刺相延爲展屏秋瞻南極現
花向北堂馨法曲迴飛雪華燈燦列星

容秋過隨園
爲張鐘之會

杯傾千

日醞饌設五侯鯖身繫蒼生望居孰塵事冥晤當開苑桂別
屢數階莫齊魯驚羣盜淮黃合巨溟禱煩沉璧馬師快掣風
霆易奏瓠宮績誰潛萑澤形詩應添史筆頌已洽

皇靈改歲方周甲瞻顏喜復丁延暉奉韋幔著綵戲萊庭虎
阜藏深寺龍山峙憩亭二分還論月千里任揚舲老去偏多
戀狂來只在醒玉虛投磊砢珠許買娉婷空問楊雄字誰傳

劉向經千秋原自待三徑但長局嗟我憂仍集窮居涕欲零
望廬徒悵悅繞膝各矜嫻似雉朝誰侶如魚夜不瞑霜稜欺
角枕燭影晃虛櫺衰疾憐慈母蹉跎媿壯齡年荒艱桂玉藥
貴負參苓雲漢歌無雨春秋紀有螟蟲誰畀炎火水自漲遙
汀天地猶畱憾江湖孰最宜爲愁當暑暘轉憶傍清冷宅繞
千章樹池浮幾點萍小園宜賦詠過客可淹停望遠江難涉
懷人日易暝身同旋磨蟻物感入林螢大雅期承蓋修途效
展軫不辭危苦調一冀丈人聽

輓楊司訓

聚奎

十年彈缺住長安八口纔依苜蓿盤數短未容讐大藥能多
竟使限微官青瓊長物遺孤在丹旄空江歸計難雪涕轉思

亦有生齋集詩卷五

七

多病我此身已作更生看

君善醫術戊子病都下
辛卯病省門皆所療治

題文信國書爲錢塘鮑文學

廷博

并序

書凡三百四十七字前幅已缺文載清河書畫舫向在
李中丞鹿山處今歸於鮑後有一峯跋語謂是空坑敗
後所寄一峯不知姓氏小印署冰蘖二字殆亦宋遺民
也王光祿鳴盛以書中入汀一語疑之辨其非空坑作
其他跋語頗多皆近人故不及焉

半閒堂築西湖幽法書名畫傾公侯木棉菴中攜不得化作
劫燼無人收當時豈索信公書至今尺紙逾天球鮑生家亦
居湖濱物不貴異惟其人牙籤錦暉幾千軸得此謂可空其
羣寥寥三百冊七字空坑敗後從容寄幅殘似恥瓦欲全色

澹還思淚深漬已教八口墮虎穴忍令孤城怯螳臂間關入
置成敗算頰仰尙兼家國計臨危示灑先示信檢點殘軍收
劄印人亡縱失將伯助天意不教以疾困

公書云在瑞金一病甚可憂

可

憐覆巢難復全生兒夭折女棄捐魂從朱鳥返天上心照青
簡傳人間傳疑傳似任史臣黃冠故里恐非真況爲曲筆揜
正氣大元革命邦維新浮蹤偶向閩海寄聚訟爭若鴻溝分
如公可死死亦矯龍首黃扉致身早歿殊葛公節義傳生勝
睢陽宰輔表後來豈少登科名豪華但學公平生讀書不識
忠孝字翰墨亦稱稽古榮

送洪大

禮吉

之江崑

纔攜斗米歸堂上便挂征帆指石頭稍喜才名同說項未堪

亦有生齋集詩卷五

大

生計尙依劉買山待結移家伴望歲誰深未雨謀知爾校餘

藜閣字

時君方爲太守修書

感時猶抱杞人憂

請水詞

并序

郡城東有白龍祠每早太守率官吏往禱迎池中水歸
間卽得雨謂之請水也

天陰黯黯雲蓬蓬樹頭吹盡東南風立秋半月到處暑五日
十日仍不雨有時屋角雷聲小雷聲未終日杲杲小兒入市

執柳行

常俗禱雨作柳龍行市中小兒執柳隨之

農夫坐隴嗟苗槁攜苗報縣求

勘災官賑未發徵先開朝聞呵殿門外過云是請水城東來

城東祠宇祀老龍焚香山積寶炬紅老龍善睡兩耳聾勺水

不敢貪天功官民束手兩無計蝗旱此邦亦神意昨日禁屠

今幸羊太守縣官賓在堂

水車謠

水車聲晝不止赤日烘人皮肉死水車聲夜不息官河日乾
水一尺河乾難致百斛船柴米添價鹽添錢青簾官舫上流
至一泊三日空延緣兩岸農夫不停手長鯨怒翻渴蜃走關
南有雨關北晴聞蘇松得雨天意獨吝吾鄉久君不見東南饒富
推淮揚去年河決今年蝗彼民悔不生此方水車雖勞何足
傷

憶昔

憶昔童時遇歲屯不知生計劇難辛田園半自饒中戶桂玉
初驚到老人豈意漸多庚矣慮翻教追羨丙丁春東南薄俗

亦有生齋集詩卷五

九

天心厭此地由來尙較淳

頻婆果

北果隨秋到偏嗟去歲遲屢求虛渴病重薦已空帷酸味知
同棗哀名合配梨牽衣環小女笑索尙全癡

八月初九日從郡人禱雨白龍菴紀事

去年愁田荒今年苦苗槁何當白露節復此秋陽杲閭里寡
蓋藏官司祈暮蚤維此大夫士實爲邑之表忍瞻父母邦而
有婦子殍峩峩兩龍祠珠宮復蘭橈城東已三瀆城北重申
禱敢云恃誠格庶幾獲神保卽占雷雨盈快見雲漢掃辭終
先自惕拊衷獨有標曾無肢體勤況值生計少藜糗已逾分
梁肥敢恒飽淳風日近媮微力媿難矯作詩諭同志毋謂杞

夏小

初十日舟次橫林夜半聞風雨聲作

舟行不見水終日未離縣客檣閒集烏官河狹如綫太守策
騎巡千艘令魚貫牽纜地親項扶船泥沒髀人倦易日曛夢
迴剛夜半忽聞篷背響徐喜雨聲戰既期農力補復快旅程
便呼童起燒燭披衣坐待旦掀篷雨已止晨曦射人面

夜過無錫懷揚秀才

芳燦

卻寄

月照梁溪清淺流遠燈初起片帆收經營力穡虛康歲辛苦
懷人動暮愁鄉邨損應慚趙壹文章忌恐屬楊脩遲君無恙
籬頭蘼約把霜螯醉晚秋

山塘

亦有生齋集詩卷五

三

雨歇遙天霽山塘此午過俗奢農力短歲儉酒人多球敵誰
民牧傷秋動客哦夜船燈火外愁聽競笙歌

中秋吳門呈仲舅

微雨疎窗短燭明客中逢節倍心驚鄜州夜月歸塵夢遼海
秋風有哭聲書抵萬金南鴈少

通守舅
在黔

喪傳千里北船輕

廉超之客
死於道

懸知同抱無窮感併入今宵細細生

浙水

浙水秋仍淺舟行道屢違漸聞米價長始覺估帆稀澤國猶
逢熟哀鴻止莫飛轉愁鄉信偏農食盡山薇

聞吾鄉已有以
榆屑爲粥者

般若菴

在桐鄉城外

秋色引城南蒼茫過小菴雨聲隨葉減霜意向林酣游跡經

年判枯禪小乘諳貫休餅鉢在佛火冷東龕

寺僧蓮宗子
今春示寂

九日登東塔

獨上浮圖頂秋高思渺然風前惟送雁檻外但橫天節物剛
重九登臨又幾年阜陵龍去後深鎖寺樓煙

晚泛南湖

朝登東塔頂暮泛南湖濱南湖浪高秋風急欲渡愁殺挈舟
人驕陽幾日連深秋我來愛登煙雨樓浮雲忽起西北角天
爲九日成清遊村醪沽到更招客清遊未終日之夕蕭蕭落
葉聲四來雨意遍從空際積波紋感損珠光亂櫂歌漸稀人
亦散瘦煙如絲出遠屋野火疑星明隔岸此間澤國信可居
菱塘能蒔谿能漁明年不逢稻梁熟釣鼈磯頭先卜築

亦有生齋集詩卷五

五

看菊詞

西風作寒催冷香城中看菊日日忙東鄰北垞各爭勝賤召
賓客羅壺觴千錢朵花殊不惜乞種直欲驕柴桑看花亦有
積薪嘆後勁乃壓前茅強城中游人醉不止城外老農飢欲
死舉杯願作告天啟菊爲黃金實爲米

閏十月十三夜

月色何曾照夜臺只畱孤影與徘徊羨它命薄黃楊樹猶及
今年厄閏來

贈毛容

幾回金石重摩挲老去雕蟲習未磨舊事聽談王父上荒齋
畱媿主人多江沈碧血風爭仰

容爲宜鞠
先生後

巷冷烏衣客倦過

一語尊前還作慰尚能強飮似廉頗

子 昶

姪學彭校字

亦有生齋集詩卷第五

亦有生齋集詩卷五

三



詩學

子 昶

亦有生齋集詩卷第六

武進 趙懷玉 億孫

古今體詩

柔兆涒灘

雲溪一曲圖為洪大禮古題

我家五世居雲溪君遷雲溪亦三世環溪居人半君識載酒
遊蹤日相繼溪南溪北衡相望岑牟單絞人嫌狂隔林聞聲
笑招手日莫遲遲聯輕航微波如煙月如霧爛醉狂歌不歸
去西風吹衣酒欲醒立久初濃草頭露豈知二鳥忽遠飛溪
邊楊柳長依依溪柳頻為送行折溪船不見行人歸知君飢
驅為將母更為年荒支八口天涯誰共負米心遣畫滄洲入

亦有生齋集詩卷六

一

良友柴門風雪當歲寒草草亦得還家歡濁醪如金詩作命
不惜春衣典將罄朝來新漲碧欲浮送君重上沙棠舟東臺
湖光芍陂水何似溪色明高樓高樓沉沉春獨闕不啓簾櫳
放花氣八公山遠疑欲仙一夜別夢隨君前時君將遊淮南

初春野步有懷

春雲曉凝空向暮忽散雪欣然遂孤往寒氣上衣結畦畝迷
衡縱樓臺半明滅草懷隔年心梅帶古時裂乾坤此蘊釀物
類漸萌茁撫序易生感離羣獨用拙悵然念江湖扁舟客初
別

答方大

尊前節物幾回新空許詩篇動鬼神臣不如人今已壯士能

聞道百憂貧酒傾舊雨仍爲客花判東風又減春各有名山
爭努力相看猶是未衰身

揚上舍

芻

席上作兼示秀才

芳櫟

忽喜龍山近循山訪故人蒼深惟綠草雨久失青春東觀傳
書在南窗得句新還邀竹林伴杯底話前塵

枕上

枕上忽不寐窗前耿欲明雨燈沈曉氣濕鼓誤殘更病爲愁
難療身因賤轉輕丁年容易過看取二毛生

述懷和錢孝廉

維喬

空谷休矜絕代姿風塵容易負心期十番眉黛傳新樣三嗅
馨香泣後時懷刺字多歸漫滅掃門人半習委蛇江潭大可

亦有生齋集詩卷六

二

牽蘿住好采芙蓉續楚辭

閉門花下幾銜杯舊感都從半醉來註易已知王弼誤入賞

誰信馬卿才

孝廉方以
貴爲令

中年陶寫憑絲竹與世浮沉分草萊

我亦短衣燕趙過秋風頻上郭隗臺

嬾聽荒雞夜半聲夢中蕉鹿總分明農桑江左仍愁歲河漢

天西乍洗兵袞袞公卿皆白屋區區井邑亦蒼生知君愛讀

陽城傳下考還深拙宦情

曾聞斗米折腰求未抵歸來乞食羞入世何心恥牛後論交

幾輩屬龍頭虞翻骨相原殊俗李蔡功名竟得侯那似千金

計然術箬簑長泛五湖舟

丙申五月水軒落成同人攜酒爲歡且有以詩賀者卽席

作歌

濁醪在尊歌在耳與其憂生宜樂死明星橫天波映月常恐
尊空復歌闕南風一夜榴花殷菖蒲九節當階翻白雲溪邊
競渡集十日士女傾城看我泛扁舟看不足更啓軒窗向溪
曲日光漾隙生虛明樹色垂塘晃空綠簾前畫舫朝暮過座
上賓客朱顏酖語快何愁衆目側狂來那畏機心多人生妄
期三不朽祭屈祠陳亦何有區區歿壽紛較量雍門之琴漆
園缶吁嗟三十鬢已蒼今我不樂徒增傷青雲幾人皓首在
華屋幾度高筵張酒冷燈殘重愴惻明年此會應追憶卷簾
曙色溪東明隔鄰絲竹猶有聲

七夕示孫秀才

星衍

亦有生齋集詩卷六

三

斜漢欲入戶明星恰在尊百年誰白首七夕易黃昏衆忌都
因巧生離卽是恩學仙吾悔晚持取語狂孫

阿婉

阿婉生尤弱玲瓏繞窈身亦知思若母長使累吾親病久難
投藥年凶但聽神未能違薄俗禱爾一從人

雲臺歌

雲臺百尺連天閭漢家煙塵靖八荒斗車獨運臨中央二十
八宿爭寒芒寒芒射人明組練策勳更設明光宴壯士投戈
拜賜金將軍解甲開生面伯昭年少眞英雄仲華亦居帷幄
功據鞍請行事如昨矍鑠誰更思扶風當官已遭同列謫身
後書憑故人上一車薏苡夫長生數畝蓬蒿空藁葬君不見

白檀彌節非常人垂老忽遭幕府填丹青赫赫首寫真博陸亦是椒房親

味辛齋聯句送錢三

維喬北上

薄宦因將母頻離感所遭故書畱敝篋董思駟零雨上征袍
契闊憐交誼洪禮吉欽欵屏俗鬻鬢經譚道改懷玉夢爲識
途勞舊學專家擅呂星垣新銜一命叨早曾窺世網係星行
夙已冠時髦零落垂天翼思駟虛無釣海螯上書難效鼎禮
吉奉檄喜同毛稍復殊萍梗懷玉還緣禱桔棹官程儲楔櫛
星垣子舍給淳熬酒誓盟今歆星衍詩兵戰昔麇狂歌員鉢
擊思駟絮話短檠挑籠具吾猶困禮吉牛刀子始操三秋別
松蘓懷玉百里望旌旄越俗驚章甫星垣秦風侈複陶抱竈

亦有生齋集詩卷六

四

書劍負星衍志激友朋高復始期陳仲思駟爲廉屬楚欵飲
泉休諱盜禮吉銘鼎獨懲饕吏蹟羞乾沒懷玉官厨乞冷淘
俗先愁束濕星垣政已免呼暑奕世傳彭景星衍難兄繼呂
臬家聲煦冬日思駟縣譜析秋毫理帙勞門掾禮吉懸蒲退
法曹心精窮鼠矢懷玉語隱戒豨膏下考憐民敝星垣初心
副里褒肯容塗負彘星衍忍教木升猿漫惜錐終處思駟眞
如劍去鞘此行猶乞米禮吉到日正題糕慎保踰淮橘懷玉
初辭滿徑蒿買田原首約星垣陟吧每心忉有日謀三黜星
衍何知戀五牢班荆頻恫款思駟落水乍櫛櫂令節禾垂穎
禮吉新涼物薦橐餘暉迎座入懷玉爽籟逼檐號別韻分殘
簡星垣離尊壓小槽茂陵猶臥馬星衍栗里定思陶鴨傍橫

塘射思馴鰕從枉渚撈生涯知拓落禮吉鄉曲任訾訾壯惜
壺頻缺懷玉貧憎釜盡轅言懷聊爾爾星垣撫序亦滔滔
比於陵蚓星行饑耽吏部螯向禽曾訪獄思馴莊惠憶觀濠
鴻雪時畱爪禮吉神車欲駕尻舊緣疎翰墨懷玉獨夜理檣
篙旅蹟違晨鴈星垣離亭咽暮螭華年齊駟驟星行羈緒越
禽翱去住魂俱黯思馴蒼茫首重搔懷人燕市月禮吉送客
海門濤草草垂輕橐懷玉遲遲賦大刀耦耕期白首星垣伏
臘共包羔星衍

題句容朱生集鴈圖

峩峩三茅峯其地多仙真縱能標位業奚補名教尊鬱彼山
川奇鍾此禮義門不辭一身瘁誓返世道淳豈知令原秋鄂
不無長春丹青寫素行中有血淚痕嗟予過丁年樹立慚本
根求子復求弟自反先逡巡南榮愛冬日挾纊含餘溫此筆
重披圖征鴈聲初聞

送舍弟就昏海宦歸舟卻寄

送汝爲秦贅天寒正俶裝親心今始慰客味此初嘗雪月新
輝鏡鷺花緩泛航未能成博議且復考三商

兩世親逾篤三年夢易經玠行空潤玉曙後但畱星

姑歸陳文年四十餘相繼及無子惟一女而已

護草春爲佩蘭枝夕散馨尚書家法在歸日好觀型

疆園作噩

少年行贈蔡昉

少年多暇日舉念無餘愁四時貫行樂尤愛春景柔我生十
三載與子面始謀名園在北郭共鼓沙棠舟我時髮未燥君
已憤可投盟同執牛耳齒共推龍頭但醉花當筵不知月在
樓園林轉眼失重過迷所由昔盛有臺榭今毀無松楸迴視
同學人策肥曳輕裘君湛田舍樂我惑汗漫遊相看兩無成
蹤蹟隨閒鷗十笏寄嘯傲二頃供耨耰窮達且置之所期在
千秋

君山君山在湖南岳陽縣下曳杖風前此一登江入大荒剛日落潮吹
七年未到君山下積氣與雲蒸穠春花鳥思公子往劫滄桑問老僧等是千秋
吳楚墓祇留碑碣說延陵

亦有生齋集詩卷六

六

客有以讀史詩相質口號三截句答之

春王註析義紛綸褒貶爭誇一字真卻笑致堂持論刻可知
忠厚屬詩人山平史外史溫公以後得徽公川瀆居然手障東怪底一朝雙史筆無端
闌入五言中

幾度閒窗閱古今余嘗擬蒼萃唐以後史爲子幾度閒窗閱古今

知幾作嗣音元史通之續卒未成也

程比部宅觀牡丹歌

黎雲低空柳煙織夢裏尋春與春隔曉來過雨作啼痕濕盡
東皇衆妃色君家池館春獨深釀成晴霧消濃陰紫茸初設
遠條帳采芳乍展重樓衾重樓花名見氏掖庭記花光射簾簾不捲香

意先侵酒杯暖丁丁午漏滴未央清晝如年忽晚晚主人召
客開華堂厭聽絲竹還飛觴翠鮮紅穉面相向欲乞彩筆催
花妝花妝我我倦難整風露吹來鬢絲冷主人高揭七枝燈
不遣明蟾到花頂城頭打鼓客未歸畫燭欲暗繁星稀看花
兩度灑清淚那惜與酒同沾衣主人亦共芳時恨眼底尊前
忍相問明日東梁燕子愁殘紅又揜苔盈寸

張貞女詩

吁嗟女子貞十年可不字一朝忽問名已知臣委贄誰無白
首諧瑟琴未成伉儷先商參乃知中道始捐棄猶是人生真
幸事幽蘭有香終自燒杜宇有血空悲號青天照心心印月
不願長圓願長缺再拜姑章入繡帷麻衣竟作嫁時衣山頭
虛擬招魂返夢裏應疑見面非小宗一綫絕如縷螺負敢言
心力苦爲殤立後本遺經顧我烝嘗欣有主冰霜幾歷身尚
存室中婦兮剝下孫彼蒼食報亦云厚昔者何酷今何恩失
而求野野亦正祇此差堪勵天性廣曰中庸道曰聖常禮安
能限崎行昭我管彤我不辭況從子舍親聞之夜闌閣筆燈
猶耿六月虛堂雨疎冷

白門病中示親友

又見槐黃白露溥西風吹我住江干百年已悟勞生慣一晌
偏過小極難賴有故交頻饋藥且憑歸札報加餐棘門聞說
軍兒戲也遣人從壁上觀

千里相思此合并衆中自讖誤浮名未消文酒過從福贏得

親朋慨歎聲每覺薄寒當夜中最憐孤月傷人明病餘餘勇
如堪賈會眺清秋上石城

雞鳴山歌

齊宮沉沉墮殘月闔闔初開九重闕美人夜起理明妝盡待
君王向朝發君王朝發石頭城香車寶馬從風行東方未瞻
紅日影北郭始報天雞聲雞聲漸稀日色曙君王射雉前岡
去花眠柳暝不歸來別館離宮料應住青山雅稱開朱邱詞
客三千集珠履書成鴻烈去作仙玉軸生光蝨魚喜莫向胡
僧認切灰空王那解世間哀高築層臺緣施食臺城進食幾
人來六代煙花卷簾送繁華誰醒江南夢元武湖心三足波
半作溪田野人種

重遊北固山

亦有生齋集詩卷六

八

我昔登山歲在戌楊花撲人柳堪折今來忽忽逾一紀叢荻
凝寒暮飛雪春山澹蕩秋山清山容不改如相迎慚予頗覺
顏色異二毛已逐風前生年時況復工愁病但保微軀更誰
競名山可遊酒可醉身後那求人論定孫劉霸業空回首東
坡南宮亦何有荒祠三間草一畝力與此山爭不朽山頭很
石曩尙存一朝忽逐江濤奔老僧不解陵谷變但說此是童
時聞

木末樓

在北固樓創於
宋舊名多景

小憩上方寺來登多景樓盡窺江面目渾失歲春秋鐘梵雲

中出帆檣樹杪收懸厓容置屋吾欲老滄洲

西登焦山絕頂

焦山不見山積翠天際浮挂席指海門乘潮達巖陬初升繚
而曲漸陟高且修樹陰清景暮木執層厓樛瞥然露微罅驚
踏滄波流身輕失久疾地曠蠲煩憂是時天宇肅萬象澄清
秋蓬瀛氣東至呼吸如可求俯祝松與寥下等土一抔決肯
鵬隼疾隕魄竈鼉遊景澹欲沉罡風凜難畱真人向我招
乘翳駟玉蚪

三詔洞

豫章以名郡酸棗以氏縣况逢真靈棲永結泉石戀茲山歸
阿先歷劫不能變煙雲蔽深洞蘿葛蔓古殿空聞三詔至未
有一言見機超管邴先身為童兒賤胎禽已仙去殘碣猶在
院庶幾華陽逸附此高士傳

亦有生齋集詩卷六

九

自然菴

入門如登壚面面皆江聲開軒接萬里舉目無八紘閒意狎
馴鷗奇懷掣長鯨風來須鬢秋雲去枕席清信茲巖壑美亦
以招提精山僧脫塵網學道宜長生頗聞莅冠蓋猶復勞逢
迎願言借晨夕一臥忘百營

舟泊京口驛擬遊城南諸勝不果

幾回京口泊城西咫尺城南路總迷寄語山靈莫騰笑好畱
煙月待新題
豈是尋幽亦忌驕敢誇濟勝竝漁樵舟人不解登臨意盡道
西風速趁潮

三塔寺夜泊有懷

風千歸御香承青白外慈雲來

三塔寺前暮打鐘三塔寺外無人蹤
炊煙欲上不敢上白屋但有低雲封
此時高樓客無那寒入重衾夢應破
黃昏雪深風轉大獨揜篷窗背燈坐

過吳江廢亭有感

不計代長古頑官默依窗出宰此百里

危亭壓浪凍雲深一繫蘭橈夢費尋
今日重過風雪裏不關心處已傷心
爲其於李禁罷解劉賈嚴放許王散忠

敘懷四百字寄錢大令

維喬

荆中

蘇秦張儀

昔我年十六操觚事文史君年二十四
意氣盛無比玉貌澹何求蘭言久彌旨
我方臨淵羨君已搏風起夷然視經綸
有若曳臂指豈知京塵紅能令素衣滓
輪轅愛誤客歲月如過

亦有生齋集詩卷六

十

駸蹉跎上春官牢落感秋士漸啟遊子裘
空曳王門履亦思歸來樂饑驅不可止
羈晚信更芳河清竟難俟堂前八十母
白髮垂兩耳去愁隔庭闈行慮呼庚癸
故人官關中緘書託雙鯉勸之作西行
毋徒滯燕市一鞭指秦雲嶽色河聲裏
所至各領座頗爲供行李裝雖輸陸賈
遇敢惜王頰馬卿財詎污張季志應矢
翻思投筆壯未免捧檄喜男兒爲親屈
一身任驅使敢辭風塵卑不作升斗仕
郎官應列宿出宰地百里上宜

朝廷化下切民生理杼袖竭三時案牘盈
四甌追呼半白屋鞭撻盡赤子恩如得
膏雨怒卽成瘡痍悃悃寡成效發摘徒
虛美所嗟豈弟稱乃屬干謁恥君承清
白後族望衆爭倚一

行試泐中離家僅尺咫此邦土物臧殊困吏治否效尤殆加甚
前濯庶有豸但願毋適時相與其更始誠宜剖肝臆勇勿畏
首尾峩峩富春山其石可礪齒潺潺七里瀧其水清且泚
桐廬卽桐鄉奉嘗潔羊豕棠畱蔭猶在事半功已徒努力承
前光榮名炳蘭綺

著雍閣茂

靜女歌

靜女長深閨窈窕顏如薜幼繙德象篇長習大家訓刺繡但
自看工詩少人問爲因奉庭闈不輕締秦晉幽蘭秀空谷豔
色出蓬鬢閒關萬里思適人蹇修未合淪風塵回視襄陽冶
遊伴憐錢長住綺羅春

亦有生齋集詩卷六

十一

邯鄲少年行

邯鄲城邊風雪下邯鄲少年馳駿馬摩挲寶刀無所用彈鋏
悲歌淚盈把偶逢不平身獨支向人傾膽遭人疑明珠終投
玉終剖結交安用深相知乃知豫讓國士報猶是尋常酬倉
辭

長松片石圖歌爲龔先生

顯祖賦

我遊吳中山奇莫如石公客從黃山來謂與黃山同黃山惜
無水石公惜無松先生奪造化位置一室中結茆偶近太湖
畔片石攜來作几案門前樹老皆龍鱗屋裏著書應等身著
書暇得臨池祕先生工書洞天一品師其意願乞閒田松舍徬補
栽紅柿無餘地松乎石乎歲幾更自慚願學陶通明披圖忽

接天風聲先生將以移吾情

春夜與莊上舍

復旦

話舊因成四律

幾回索米薊門秋人海勞勞始倦遊日下文章誰弱冠天邊
風雪有歸舟登樓尙惜依剝表解橐空聞助阮修

君尙未昏贏得

草堂通夕話匡牀短燭不勝愁

早氣飄來

未幾即自北

新詩多半爲思家漢上題襟樂事賒夙慧定應參位業長貧
最易損年華雨深柳陌難成絮春入桃根漸作花自是越禽
餘戀在知君未免故巢嗟

蹉跎我已二毛生一臥滄江歲屢更西笑空憐人有願北書
會怪鴈無情餐霞論竟慚中散蓄酒官宜乞步兵莫共雞蟲
爭得失近來多病廢逢迎

亦有生齋集詩卷

七

舊識門高北地摧烏衣世澤重徘徊浮蹤任說梁間燕久客
初看嶺畔梅照眼眩蘭春可采關情池草夢頻來聞雞剩有
雄心在撥盡寒爐煮芋灰

初交篇贈友

與對集

東西笑

空齋人言

人生有初交初交久難釋鱗辰易投分壯歲每殊蹟緬維廿
載前傾豁露肝膈君擲興公金人羨夏侯璧才華說無雙意
氣或當百一馳燕臺騎再蠟鍾阜屐歸來避塵喧自此憚行
役多病旣好閒習爛迺成癖中散託神仙仲長寓田宅養生
在樂志斯理豈區畫寄臥有莞蒲杜門有琴籍得毋祖其意
聊復聽所適我居近城東動輒決旬隔得暇謀過從頗覺離
思積倏然君自遠憇矣我庸策浮湛但鄉閭度越祇阡陌本

無入世才矧鮮學古獲論書已手戰作文類頭責偶思補詩
債轉似待農隙悠悠千載心鼎鼎百年客秋風最欺鬢二毛
漸非昔輪君尙朱顏有子竝豐額餘慶陔蓺蘭清芬研畱石
作詩贈初交時哉願同惜

畫蝶四首

抱香每逐穉蜂嬌舞盡東風瘦玉腰珍重春人休更撲可知
時節過花朝

東京二月十二日曰花朝
爲撲蝶會見誠齋詩話

秦臺漢殿劇精神舞扇歌筵幾度春自此定無金粉戀已從
秋水悟前身

曾向梁山侍宴回偶然託蹟傍溪隈不知當日初明表是否
煩君奏達來

亦有生齋集詩卷六

三

畫師亦解芳時恨爲寫輕盈著粉痕傳語東皇好憐惜慙乞
芳草待王孫

和袁丈

枚六十三生子詩

小字阿遲

天意無端判速遲早登科第晚生兒輕身久悟官爲累名父
何難子更奇悚水積書看盡讀柳州捧奠已忘悲先生若到
高堂壽

太夫人春秋
九十有四

又見孫桐擢秀時

臣文臣筆佇爭名門祚居然魏世丁

初以弟
子爲後

佳問有人馳驛

報令弟春圃觀察在吳門忽得急
遞乃江崑方伯報丈生子之札賀詩連日把杯聽千章木

鬪霜前翠一片氍毹燈下青料得韋賢家法在纔離繡襖便

傳經

蔣刺史龍昌遠謫西陲芝生寓齋之棟是歲冬間得赦

同人繪圖志瑞各系五言四韻攜歸示余因次其韻而
變其體

謝傅庭前舊鬱蔥忽從絕塞苗新叢地靈漸到要荒外

天意潛回雨露中莫道無根原有種可知得氣便爲功療飢

謾問田園計爛醉先看江上楓

寄生久擬等秋蓬容易移來近蕪叢共說品分金闕下真仙通鑑

食金闕玉芝者爲司命早傳身入玉關中一餐誰作神仙想五色應煩

點染功從此屋梁同對月免教魂夢繞青楓

雨孫詞五章有序

湯君遵路以服官之歲慰抱孫之心時方望霓天忽降

澤君迺緩廣微之虔請錫慧龍以嘉名字曰雨孫蓋紀

亦有生齋集詩卷六

十四

實也誕彌厥月爰召其朋尊壘初陳滂澍載集豈唯一

門之慶蓋實四郊之休僕也年近二毛生惟四女安仁

則漸傷搖落和仲已深誤聰明啼試筵前歡增雨後聊

假盍簪之會補誦弄璋之詩頂摩肩集共誇此子如徐

眼大心雄莫忘其人是李

涉波有豕雨初勻剛值君家降石麟莫道充閭人獨喜可知

天喜亦因人王充論衡天不喜不降雨

雷光爛爛玉硤硤浴到蘭湯祿乍拋好作大言誇戚郈洗兒

餘潤及農郊

清遠吳興首重回雙流蒼雪自滌洄而翁舊有行春雨是否

隨車帶得來

佇爾聲稱作鄭莊治行千里不齋糧爲霖他日吾甘讓慚媿
知名大父行

華堂晝啓酒盈卮又聽簷前報濯枝舊雨不來今雨至料應
催補雨孫詞

浴牛詞贈徐大

書受

浴牛趁佳日爰及春水生桃花李花相間發隔岸邨遂時聞
聲牛乎汝能八百里胡亦沉浮垂兩耳

浴牛牛自喜芻牧得其性臺端不爲中尉駕道左敢邀丞相
問陳家有青王有烏失足半被豪門驅

浴牛牛有主彼美城北公南山白石母乃躁牽來一笑春風
中無心更效作雞口我亦嬾爲牛馬走

亦有生齋集詩卷六

五

浴牛牛已逸逸者殊忘勞叔均制耕良亦苦桃林身退辭功
高流傳爾竟分湯沐賜爾芙蓉湖一曲

浴牛因相牛相牛貴有術書生處士來山中往往與人爭白
日世人幾輩皆荀晞郭椒丁樸休爭奇

秋日過徐大齋頭畱賦

亦齋集詩卷六

隔夜涼風起朝來憶舊盟過從誰最數門巷此餘清詩卷頰
商榷盤餐見性情未能忘結習身後計浮名

難得晨星合相看各倦遊好閒緣少賤多病畏深秋殘照林
初暝虛庭草自幽南州風義遠竟日爲君畱

奉贈家觀察

翼

得祿重思負米年不曾五十便歸田蒼生肯竟忘安石老嫗

偏能解樂天底事神仙尋苦縣早參侍從列甘泉松窗定有
關情夢夢到觚稜月正圓

烽煙回首劇心驚跼踖飛鳶墮水聲已悟百年成短劫每從
七字設長城弓衣曉出諸蠻洞羽檄宵傳上將營何似江邨
閒課子舍南舍北狎鷗盟

學到深時意轉危名山那計淺人窺眼中餘子容如許身後
相知竟屬誰三島鶴非塵世玩一邱貉繫古今悲辱貽詩有
時輩徒宜

幣一邱句殷勤獨厚吾宗寄慚媿韓陵寺裏碑
清秋雲漢皎穹昊近事年來憶丙申屢爲耕桑策平準轉於
鄉國補經綸丙申春先生營
里中賑事甚力民方待牧思齊相我久懷憂類
杞人出處不妨同努力名高豈獨在鱸蓴

亦有生齋集詩卷六

六

九日毛二

用吉

招飲石湖

久輟石湖權忻逢勝友攀潮平初出岸樹老不遮山插蘼羞
華髮當風惜醉顏徵歌重命酒餘興未全剛

輓董大令

開泰

繁霜下周除隕穉滴荒逕人生易摧折往往失其性夫君少
艱難捧檄家有慶崎嶇五嶺表垂老得一令人方徇紛華君
獨念溫清未營端溪裝遠謝彭澤病解組已三年年僅服官
政蘭陔方補吟蒿里忽淒聽本爲養母歸子職不終竟強沒
衰者存修短敢言命

憶昨執手初言便及肝鬲謂余雖疏屬情本其一脈

董之先
系出於

趙頗隣經拙性爲晝行藏策里巷時過從壺觴數晨夕春風

鼠姑開開軒會召客無端二豎纏遂作千秋隔淚從叢鞠墮
病等黃楊厄超然悟浮休神不異易簣胡爲語倦倦尙有未
能釋蒼茫挂劍臺人去但畱蹟常恐平生心負此然諾責

西風連日惡吹我夢不溫行行涉胥江生別聲已吞豈期淡
旬別歸乃哭寢門聞當絲綬餘盼我鎮旦昏緘物枉見投款
款勤相存逡巡忍展篋零落涕泗痕抽刀難斷愁蕪香難返
魂遺言卒未剖積意從誰論嗟余前負疚已愧吾宗孫往歲家豹
三翁病革亦嘗問何堪元伯喪重緩范式奔長言聊述哀絮
余時在浙也
酒不滿樽

湖隄晚步

十里湖山到總宜我來每值歲寒時日斜人散高低影梅早

亦有生齋集詩卷六

七

峯開南北枝

時冬初梅已競放

漸減雄心慵走馬未除結習愛吟詩

水雲自有多生約禪榻終當老鬢絲

葛嶺

豈是移家住仙人蹟偶存井泉常帶冽爐火不畱溫海色遙
明樹峯陰正抱門何當侵曉至扶策看朝曦

十月十七夜鮑秀才

延博

招宿湖上翫月

夕陽下南郭初月出東嶺之子尋幽期招攜泛孤艇初看樹
色微漸覺水光靚晶瑩鏡圓靈照耀及萬頃掀篷受高寒蕩
槩入虛迴衣裳散風露林薄滿光景何如剡溪遊絕勝輞川
境迢迢鳳林鐘中宵發深省

境清不能寐素心樂無違願言永今夕滅燭延寒輝交歡布

瑤卮寄怨彈金徽氣寒偏姑射語祕搜靈威有時遂孤往嗒
焉殊忘歸橫斜澹星斗晃漾明樓臺頓令身世棄豈慮年華
催何當挾飛仙御風遡九閩

重遊石屋洞

水亭屢艤舫石屋茲停轡前遊忽五載勝蹟喜重至莊嚴衆
色相洞多石黯澹古銘記類多朝貴名亦有遷客字老僧此

中居髮白貌童穉自言天台來暫假巖穴寄飯同松脂熟茗
淪澗泉試殷勤通世情脫略遺羣累願從乞傳燈一證無生
義

山行十數里至理安寺

臨安多名山理安萃清淑遵塗始原野策騎傍巖麓千林息

亦有生齋集詩卷六

六

巖飈一逕麗冬旭晴嵐蒸濕翠幽草散馥空馥岡形左交右地
勢起還伏氛氳亘無際層疊詎嫌複初疑箭栝通忽若芙蓉
簇雙崖啓屏障萬狀紛紫綠荆關繪難盡顏謝詩遜繆逵巡
恣選勝應接趁停矚如經山陰道儼入武夷曲遙林出鐘梵
隔岫映童僕精蓋行漸至同伴踵相屬初桃喜乍升傑構何
年築高卑快一覽往返疲兩足齋廚供伊蒲食啖屏旨蓄但
融心與神遑計口及腹須臾日晚晚惆悵歸躑躅得非馬加
疾殊覺地已縮余懷掩歲月茲役靳信宿始知到來難惟恐
去之速緬彼山中人白雲邈空谷

送程三

拱字

官揚州

知君雅意斷兼金千里重煩命駕尋升斗尙同遊子計風塵

應繫故園心人從棠樹懷先澤

君尊人嘗官斯土

春到蕪城續舊吟

今日鴛湖看去櫂桃花潭水比情深

全椒金秀才

蘭以會洪大

禮吉

母葬至常州遂同遊錫山

今將訪其戚於廣陵余既作序以贈復系此詩

豈是才名便累身治行千里未憂貧吹簫事已如君少傾蓋
交還到我新愁拚孤篷同聽雨愛尋荒嶺不逢人相思後夜
揚州過知有梅華遠贈春

屠維大淵獻上

一樹

一樹夭桃別樣妍桂堂蕙帳助淒然碧歸天上虛前夢紅到
門中異往年漫說託根連姊妹可能結實證神仙願教含笑

亦有生齋集詩卷六

九

長依砌博得瑤池阿母憐

夕陽著意近簾櫳露井曾驚昨夜風人說尋春迷渡口臣非
好色避牆東成蹊任解無言趣歷劫都隨流水空只有嬌禽
猶戀樹綠陰珍重護金籠

題畢生仿李長蘅畫卷

檀園本高人一第竟不售詩推嘉定冠畫恥華亭後偶誇丹
青絕乃竝金石壽畢生宏之孫忽起挺身鬪敢云軼步趨常
恐失規構憶昨走京師我客淞之右歸來茆堂中素壁起巖

岫

生北行時仿暉香山山水見贈

比聞公卿間尺幅頗爭購門慵持帚掃鄰

喜載肉候但飲酒缸面那惜醬瓿覆客從日邊來寸縑出之

衷林疎意逾澹山老骨益瘦檀園彼丈夫敢薄後來秀因生

日進技媿我百無就春風江上回行亦舍墟園時擬入都逢君讀畫餘翦燭更論舊

半野軒牡丹歌

鼠姑花開董生宅數里香風起城北主人結幔護雕闌花亦迎人逞顏色今年花頓添蕉萃過客重來不成醉飄茵墮溷亦偶然容易人生長富貴寒帷零落舊琴尊檢點衣裳認酒痕羅中鳥雀堂前燕卻與春風共到門

劉秀才家看罌粟

半畝初看綻米囊故人移近讀書堂徵歌此會頻年少借具多君累日忙春去賴爲畱客計歲荒難作餽貧糧鄉園故實吾能數重續劉生罌粟章鄉先輩黃艾菴先生有劉生罌粟行

亦有生齋集詩卷六

辛

五日次淮安回憶乙酉過淮亦以此日忽忽十五年矣望華門外繫烏篷十五年前此日同豈有王孫羞袴下由來騷客怨天中駸駸真覺星霜驟草草還謀雞黍豐羨煞無愁鄰舫女鬢花爭試若榴紅

楊上舍念曾招飲南池

向愛南池句今傾北海觴未應分主客且復道溫涼此役逾千里當筵盡故鄉捫碑披舊蹟讀徧碎文章

高樓阻風雨咫尺女牆隈擬登太白樓以雨未果野漲欹新柳低雲隱

暮雷蒼茫重費詠泥湓不辭來辛苦征塵久離懷此慙開

任城太白樓歌并序

樓在濟益東南城樓上相傳賀知章令任城觴李白於

此按史白客任城與孔巢父韓準裴政張叔明陶沔居
徂徠山日沉飲號竹溪六逸樓當是其遺蹟知章無令
任城事也

仙人好樓居太白本謫仙采石樓臨大江渚任城樓踞南池
邊昨遊南池雷雨至少陵憐才亦相忌船窗忽送霽色來攀
援終謝神靈意浮雲去空徧六幕神之往來不可度拍肩挹
袂彼何人想像當年此酬酢酬酢亦偶然劒壁書英豪樓壁有石
刻詩酒英豪四字誰者軒冕誰蓬蒿蒼生白骨竝寂莫女牆獨與青
山高須臾暝色入樓上萬家燈火憑闌望殘霞捲處湧金波
不照古人猶晃漾君不見鑑湖二頃如滄浪四明山中有客
狂可憐一樣樓頭月流影曾經到夜郎

亦有生齋集詩卷八

三

天津大慈寺贈了凡上人

夕照下津樹停舟訪遠公石林生爽氣談笑雜儒風莫賞驪
黃外須知色相空憑君矜慧照我已定窮通上人精相術

莊大令變衙齋小飲

沉沉官閣燭花紅難得清尊情話同遊射轉頭三世上尊前射洪
君與先大父為莫逆交升沉彈指十年中盤餐雅愛兼鄉味詩句難忘
述土風記否白雲溪畔水綠簑青笠艇西東

登華袞袞幾人間為政風流此未慳君自循聲歌赤縣我猶
結習夢青山酒狂不惜車容吐宵禁時勞吏送還自笑近來
蹤蹟嬾獨從塵海閉禪關時寓靈藏寺

贈莊四寶書

總角因依事宛然相看青鬢漸華顛一官卑豈同斯立七歲

尊應讓樂天樂天長微之七貂敝幾愁金欲盡蟹肥且趁勸

初妍西山舊有聯吟約乞取摩厓好手傳

錢舍人中銑偕余北行至寶應病篤力勸之歸未抵家卒

余至京師始聞其耗欲作詩志悼苦未能就頃得南來

書知舍人弟中銑相繼歿更可傷已因并弔之

憶昨離郭門夏氣方恢合習習東南風吹我西北來聯舟錢

舍人涉江同湖洞三日忽不汗歸計勸速裁蛟龍食人魄白

浪高崔嵬一朝頓風燭萬古同塵埃里中亦有萬岑上亦有

蒼言深願剖臆口噤成銜枚人事既可駭天道尤堪猜罷吹

仲氏篋相率從夜臺春令翼雙墮鄂不華連摧白頭有孀親

亦有生齋集詩卷六

黃口藐孤孩天方萃以酷此適丁其災尙書昔捐館逝水已

不回舍人初拜官宛若春生芟何恩亦何咎忽振復忽隕髮

危一綫繫澤棄五世培我出未十旬百緣添其哀凋零半故

舊感歎驚儻陪信哉浮生脆嗒焉雄心灰落葉擁寺門秋燈

照庭隈起視少微光浮雲慘不開

朱筠晉芳兩丈招飲陶然亭

日下城西路重來十二年荻花寒作絮山色遠如煙客盡東

南美亭當城市偏蕭蕭一番雨人外此翛然

京洛論前輩寥寥祇數公傳經漢家法說理晉人風誰解拈

花笑是日席間以藏花爲戲空勞犄角攻衝泥歸騎晚燈火六街紅

自陶然亭醉歸集香爐僧舍聯句四十韻

城南有高亭洪亮吉天濶雲不鎖來如鳥投叢懷玉集若箭
聚塚坡折蛇逶迤揚偷石峙羊破磯空青洗鉛華徐書受遙
碧出峯朶櫺虛延楚陰亮吉堞對隔塵埵環拱臺巔懷玉
岡轉背檐左風喧十里蘆偷霜落千林果長筵敞列肆書受
雄論振急柁舞或醉以傲亮吉笑豈巧之嗟賓鴻餞秋肅懷
玉歸騎防夜邏門徒逾賈鄭偷儒術蹈卿軻使星正南曜時
送朱學士詩河先生
視學閩中書受斜日忽西墮連茵叩禪關亮吉促膝比
仙舸蛾飛亂人影懷玉鼠竄避佛火倦聞僕頭觸偷靜想僧
足裹酒腸散槎枒書受嶽意興磊砢胸懷黑白辨亮吉目笑
青紫扞壁立居蠨蛸懷玉管禿長螺羸厦萬庇有時偷秋九
感無那寒蟲助啾啾書受早菊送嫖娜手美艱飭厨亮吉顏

亦有生齋集詩卷六

七

醜快盈坐門東鼎膨臍懷玉屋北溪澹沱色變談虎爲偷氣
盛捫蝨頗朋俱吳中舊書受名並曰下播著書窺龍門亮吉
獻賦望馭娑相期淬鋒鐔懷玉未用咤坎珂陳編鴛羅穿偷
俗學厭庸瑣心精析毫芒書受語硬盤帖妥詁究齊得登亮
吉箋窮楚多夥頽陽惜馳駒懷玉妙義流炙輶獨醒還啜醢
偷同俗漫譏裸骨晒虞翻屯書受眉嫉夷光媿但令營精邱
亮吉一任嘲飯顆蝸爭角鬢鬢懷玉蠶縛絲蠹蠹重諾希久
要偷慎交戒多可羣狙走且僵書受軒鶴立無跛氈重席知
緩亮吉燭炮枕警惰階閒衆屨錯懷玉牀窄半衾彈移星曙
猶爛偷宵夢占亦叵向曉癡蠅薨書受風激窗紙簾亮吉

亦有生齋集詩第卷六

子
姓學
彭校字

